

DS.
735
A2586
1771a
V.12

University of Toronto

Library

Chen

ASIAN COLLECTION

御批歷代通鑑輯覽卷之二十三

後漢

肅宗孝章皇帝

甲申元和元年夏六月詔議貢舉法

陳事者多言郡國貢舉率非功次故守職益懈而吏事

寢疎咎在州郡有詔下公卿朝臣議大鴻臚韋彪字孟達平

陵人賢上議畧曰夫國以簡賢為務賢以孝行為首是

之元孫是以孟公綽優于趙魏老不可以為滕薛大夫忠

相兼是以孟公綽優于趙魏老不可以為滕薛大夫忠

孝之人持心近厚鍛鍊之吏持心近薄士宜以才行為

先不可純以閭閻然其要歸于選二千石二千石賢則

貢舉皆得其人矣彪又上疏言天下樞要在於尚書而

間者多從郎官超升此位雖曉習文法長于應對然察

察小慧類無大能宜鑒嗇夫捷給之對深思絳侯木訥

之功帝納之

秋七月。詔禁治獄慘酷者。

八月。帝南巡。

詔所經道上州縣。毋得設儲峙。命司空自將徒支拄橋梁。有遣使奉迎。探知起居。二千石當坐。

冬十月。至宛。以朱暉

字文季。南陽宛人。

爲尚書僕射。

九月。幸章陵。十月。進幸江陵。還幸宛。召前臨淮太守宛人朱暉。拜尚書僕射。暉在臨淮有善政。民歌之曰。彊直自遂。南陽朱季。吏畏其威。民懷其惠。時坐法免家居。故

上召而用之。

後尚書張林上言。縣官經用不足。宜自煮鹽。修均輸法。暉固執以爲不可。曰。王制。天

子不言有無。諸侯不言多寡。食祿之家。不得與百姓爭利。均輸之法。與賈賁無異。鹽利歸官。則下民窮怨。誠非明主所宜行。帝怒。切責諸尚書。暉等皆自繫獄。三日。詔勅出之。暉因稱病篤。不肯復署議。尚書令以下惶怖。謂

暉曰。今臨得譴讓。奈何。稱病。暉曰。行年八十。蒙恩得在。機密。當以死報。若心知不可。而順旨雷同。負臣子之義。遂閉口不復言。諸尚書並劾奏暉。帝寢其事。詔直事郎問暉起居。太醫視疾。太官賜食。暉乃起謝。

十一月還宮。

以孔僖為蘭臺令史。秩六百石。掌奏及印工文書。

魯國孔僖。字仲和。涿郡崔駰。字亭伯。同遊太學。相與論武帝

始崇聖道。號勝文景。及後恣已。忘其前善。鄰房生上書

告駰。僖誹謗先帝。譏刺當世。事下有司。駰詣吏受訊。僖

以書自訟。畧曰。凡言誹謗者。謂實無此事。而加虛誣之也。至如孝武皇帝。政之美惡。顯在漢史。是為

直說書傳實事。非虛謗也。陛下即位以來。政教未過德澤有加。臣等獨何譏刺哉。假使所非實是。則固應悛改。

儻其不當。亦宜含容。又何罪焉。書奏。詔勿問。拜僖蘭臺令史。

賜毛義。字少卿。廬江人。鄭均。字仲虞。東平任城人。穀各千斛。

廬江毛義。東平鄭均。皆以行義稱于鄉里。帝下詔褒美。

賜義均穀各千斛。常以八月。長吏存問。賜羊酒。

均兄爲縣吏。頗

受禮遺。均諫不聽。乃脫身爲傭。歲餘得錢帛歸。以與兄曰。物盡可復得。爲吏坐贓。終身捐棄。兄感其言。遂爲廉潔。均仕爲尚書。免歸。後帝東巡。過任城。幸均舍。勅賜尚書祿。以終其身。時號爲白衣尚書。南陽張奉慕義名。往候之。坐定。而府檄適至。以義守安邑令。義捧檄而入。喜動顏色。奉心賤之。辭去。後義母死。徵辟皆不至。奉乃歎曰。賢者固不可測。往日之喜。乃爲親屈也。

安邑。東觀漢記作安陽。今從范書。

詔除妖惡禁錮者。

詔曰。往者妖言大獄。所及廣遠。一人犯罪。禁至三屬。如有賢才。沒齒無用。朕甚憐之。諸以前妖惡禁錮者。皆蠲除之。

乙酉二年春正月。詔賜民胎養穀。戒俗吏矯飾者。

句踐早婚嫁重丁男蓋小國圖霸權宜之術非王道也戒俗吏矯飾足矣天下之大比戶皆予以胎養穀三斛何以爲繼孟子盡信書不如無書之言盡之矣

詔曰。諸懷姙者。賜胎養穀人三斛。復其夫勿算一歲。著爲令。又詔三公曰。俗吏矯飾外貌。似是而非。揆之人事。則悅耳。論之陰陽。則傷化。朕甚厭之。甚苦之。安靜之吏。惴惴無華。日計不足。月計有餘。如襄城注見前。令劉方字伯况。平原人。吏民同聲。謂之不煩。雖未有他異。斯亦殆近之矣。夫以苛爲察。以刻爲明。以輕爲德。以重爲威。四者或興。則下有怨心。吾詔書數下。冠蓋接道。而吏不加理。人或失職。其咎安在。勉思舊令。稱朕意焉。

行四分歷

太初歷施行百餘年。歷稍後天。

謂七曜之行。在歷家所推步躔次之前。晦以弦

望不合也。

上命治歷編訢。

人姓名。

李梵等綜校其狀。作四分歷。

施行之。

二月。帝東巡。

耕于定陶。幸泰山。柴告岱宗。進幸奉高。注見前。宗祀五帝。

于汶上明堂。注亦見前。赦天下。帝之為太子也。受尚書于東郡太守汝南張酺。帝幸東郡。

引酺及門生掾吏會庭中。先備弟子之禮。使酺講尚書一篇。然後修君臣之禮。張酺字孟侯。汝南細陽人。

三月。至魯。祠孔子。

帝祠孔子。及七十二弟子于闕里。作六代之樂。大舍孔子

六十二人。謂孔僖曰。今日之會。寧于卿家有光榮乎。對曰。臣聞明王聖主。莫不尊師貴道。今陛下親屈萬乘。辱臨敝里。此乃崇禮先師。增輝聖德。非臣家之私榮也。帝曰。非聖者子孫焉有斯言乎。拜僖郎中。

至東平。祠獻王陵。今泰安府東平州東北碗山上。有後漢東平獻王冢。

帝至東平。追念獻王。謂其諸子曰。思其人。至其鄉。其處

在其人亡。因泣下霑襟。遂幸獻王陵祠以太牢。獻王之驃騎府吏丁牧。周初以王愛賢下士。不忍去。遂為王家大夫數十年。事祖及孫。帝聞之。皆引見。擢為議郎。事祖及孫。時獻王子懷王忠已卒。忠子敞嗣王。

夏四月。還宮。

秋七月。詔定律。毋以十一月十二月報囚。

謂立春陽氣至。可以施生。故不

論囚也。

丙戌三年春正月。詔嬰兒無父母親屬及有子不能養食者。

稟給如律。

律本有此條。今舉行之也。

帝北巡。三月。還宮。

帝耕于懷。勅侍御史司空曰。方春所過。無得有所伐殺。車可以引避。引避之。駢馬可輟解。輟解之。進幸中山。還。

幸元氏復幸趙賜從行者各有差

夏四月收太尉鄭弘印綬弘于元和元年為太尉弘自繫獄出之卒

以宋由字叔路長安人為太尉綱目凡例三公策拜卒免安帝以後因事乃書今于章帝時即依此

例其事無足錄者皆不具書

弘數陳竇憲權勢太盛言甚切至憲因奏弘泄漏密事

憲黨張林楊光貪殘弘奏之吏與光舊因以告光帝責讓弘收印綬弘自詣廷

尉詔勅出之因乞骸骨尋卒弘病篤後上書極言憲姦惡當誅帝省章遣醫視病

比至已卒

司空倫罷以袁安為司空

第五倫以老病乞身賜策罷以二千石俸終其身倫奉公盡節言事無所依違性質慤少文采在位以貞白稱或問

倫曰公有私乎對曰昔人有與吾千里馬者吾雖不受

倫此言立令人噴飯而史氏方以為誠直吁亦奇矣

起諒許降與傳介子誘斬
嬰蘭其蹟和類然彼猶失
信此乃燭奸實謂勝之

每三公有所選舉。心不能忘。而亦終不用也。吾兄子病。一夜十往。退而安寢。吾子有病。雖不省視。而竟夕不眠。若是有者。豈可謂無私乎。

疏勒王忠詐降。班超斬之。

先是超發疏勒于寘兵。擊莎車。莎車以賂誘疏勒王忠。忠遂反從之。西保烏卽城。超乃更立其府丞成大爲疏勒王。悉發其不反者以攻忠。使人說康居王。執忠以歸其國。烏卽城遂降。至是忠說康居王借兵。還據楨中。疏勒地名。密與龜茲謀。遣使詐降于超。超知其姦。縛忠斬之。因擊破其衆。南道遂通。

詔侍中曹褒

字叔通。魯國薛人。

定漢禮。

博士曹褒上疏。以爲宜定文制。著成漢禮。班固以爲宜

廣集諸儒。共議得失。帝曰。諺言作舍道旁。三年不成。會

禮之家。名為聚訟。互生疑異。筆不能下。昔堯作大章。一

夔足矣。

見呂氏春秋。

乃拜褒侍中。授以叔孫通漢儀十二篇。

曰。此制散畧。多不合經。今宜依禮條正。使可施行。褒乃

依準舊典。雜以五經讖記之文。撰次天子至于庶人。冠

婚吉凶終始制度。凡百五十篇。奏之。帝以衆論難一。故

但納之。不復令有司平奏。

丁亥。章和元年。

以嘉瑞屢見。故改元。

夏六月。以袁安為司徒。

桓虞免。安代。桓虞。

字仲春。

任隗。

字仲和。光之子。

為司空。

隗清靜寡欲。帝素稱其行。及是拜司空。以沈正見重于

時。

秋七月。護羌校尉張紆擊羌。斬其帥迷吾。羌豪名。

先是燒當羌迷吾及其弟號吾寇隴西郡督烽榑李章

追獲之。號吾曰。誠得生歸。必悉罷兵。不復犯塞。太守張

紆遣之。羌即解散。各歸故地。迷吾退居河北歸義城。已

而護羌校尉傅育。北地人。募人鬪諸羌胡。募人間搆諸羌使使之自鬪。羌

胡不肯。遂叛出塞。更依迷吾。育發諸郡兵數萬人共擊

羌。未及會。育獨進軍。迷吾襲擊大破之。殺育及吏士八

百餘人。會諸郡兵到。羌遂引去。詔以張紆為校尉。將萬

人屯臨羌。漢縣故城在今西寧府西寧縣。迷吾復與諸種寇金城塞。紆

遣從事司馬防與戰。迷吾敗走欲降。紆納之。迷吾率眾

至臨羌。紆設兵大會。施毒酒中。伏兵殺其酋豪八百餘

人斬述吾頭以祭傳育豕復放兵擊其餘衆斬獲數千

人逆吾子述唐與諸種解仇結婚交質據大小榆谷以叛張紂不能制榆谷在今蘭州府河州西

八月乙未晦日食

北匈奴五十八部來降

北匈奴衰耗黨衆離叛南部攻其前丁零寇其後鮮卑擊其左西域侵其右不復自立乃遠引而去南單于與戰于涿邪

山斬獲而還至是鮮卑復大破之斬優留單于北庭大亂于

是屈蘭儲等五十八部口二十萬勝兵八千人請雲中五原朔方

北地降

班超發諸國兵擊莎車降之

超發于賓諸國兵二萬人擊莎車龜茲王發溫宿等兵

合五萬人救之。超曰：「今兵少不敵，可各散去。」須夜鼓聲而發。陰緩所得生口。使生口得歸。言超兵將散去。龜茲王聞之大喜，自以萬騎于西界追超。溫宿王將八千騎于東界徼于。賓超知二虜已出，密召諸部勒兵。鷄鳴馳赴莎車營。胡大驚亂，奔走追斬五千餘級。莎車遂降。龜茲等因各退散。自是威震西域。

戊子二年春正月，濟南王康、中山王焉來朝。

上篤于親親，故二王入朝，特加恩寵。及諸昆弟，不遣就

國，賞賜過度，倉帑為虛。

太尉掾何敞奏記宋由請勅諸王就國，節省浮費，由不能用。

何敞，字文高，平陵人。

尚書宋意

字伯志，均族子。

上疏曰：「陛下隆寵諸王，禮

敬過度，春秋之義，諸父昆弟無所不臣，所以尊尊卑卑。

疆幹弱枝者也。西平王羨等久磐京邑。驕奢僭擬。損上下之序。失君臣之正。宜割情不忍。以義斷恩。發遣歸藩。以塞衆望。

帝崩。

年三十一。遺詔無起寢廟。一如先帝法制。

太子肇卽位。

年十歲。是爲孝和帝。

尊皇后曰皇太后。

三月葬敬陵。

在河南府洛陽東南。

史臣曰。章帝素知人。厭苛切。事從寬厚。平徭簡賦。民賴其慶。嗚呼。懋哉。

太后臨朝。

竇憲以侍中內幹機密。出宣詔命。第爲虎賁中郎將。

篤弟景瓌並為中常侍兄弟皆在親要之地崔駰以書戒憲曰傳

日生而富者驕生而貴者傲生富貴而能不驕傲者未之有也昔馮野王稱為賢臣近陰衛尉克已復禮終受多福外戚所以獲譏于時垂愆于後者蓋在滿而不挹位有餘而仁不足漢興外家二十保族全身四人而已書曰鑒于有殷可不慎哉

以鄧彪

字智伯禹之宗

為太傅錄尚書事百官總已以聽

竇憲以彪有義讓

彪父邯中興初有功封鄜鄉侯邯卒彪讓國于異母弟

先帝所

敬

建初中彪拜太尉元和初乞罷詔給二千石奉歲時存問

而仁厚委隨故尊崇之

其所施為輒外令彪奏內白太后事無不從彪在位修

身而已不能有所匡正

憲性果急睚眦之怨莫不報復以韓紆嘗劾父勲獄令客斬紆

子以首

祭勲冢

諸王始就國

不問匈奴應擊與否但以
憲請贖罪遽令行師此舉
實為無名

夏四月以遺詔罷鹽鐵之禁。

五月京師旱。

冬十月侍中竇憲殺都鄉侯暢。齊殤王石之子。武王續孫。太后以憲為車騎將軍使北擊匈奴以贖罪。

都鄉侯暢來弔國憂太后數召見之竇憲懼暢分官省

之權遣刺客殺暢于屯衛中而歸罪于暢弟剛使侍御

史與青州刺史雜考剛等。尚書韓稜以為賊在京師不宜捨近問遠恐為奸臣所笑。

太后怒切責稜稜固執其議太尉掾何敞請獨奏案之。

韓稜字伯師京兆人。敞說宋由曰暢宗室肺腑茅土藩臣來弔大憂上書須

報親在武衛致此殘酷奉憲之吏莫適討捕蹤跡不顯

主名不立敞數備股肱職典賊曹欲親至發所以糾其

變而二府執事以為三公不與賊盜公縱姦慝莫以為

咎敞請獨奏安未二府司徒司聞敞行皆遣主者主知賊盜之曹

隨之。于是推舉具得事實。太后怒。閉憲于內宮。先是南

單于上言。請伐北匈奴。

時北匈奴饑亂。降南部者歲數千人。南單于上言。宜出兵討伐。

破北成南。令漢家長無北念。太后以示耿秉。秉言可討。太后欲從之。尚書宋意上書諫。不報。及是。憲

懼誅。因自求擊匈奴。以贖死。乃以憲為車騎將軍。執金

吾耿秉為副。發兵北伐。

以鄧訓為護羌校尉。擊逃唐。破之。諸羌來降。

公卿舉鄧訓代張紆。逃唐率兵萬騎來至塞下。未敢攻

訓。先脅小月氏胡。訓擁衛胡。令不得戰。

議者咸以羌胡相攻。縣官之利。

不宜禁護。訓曰。張紆失信。眾羌大動。今因其迫急。以德懷之。庶能自用。

開城。悉驅羣胡妻

子內之。嚴兵守衛。羌即解去。

湟中諸胡皆言。漢家常欲闕我曹。今鄧使君待我以

恩信。乃足得父母也。咸歡。訓遂賞賂諸羌。使相招誘。逃喜叩頭曰。唯使君所命。

唐叔父號吾。將其種人八百戶來降。訓因發秦胡羌兵。

掩擊逃唐。破之。逃唐乃去。大小榆。衆悉離散。

明年春。逃唐欲復歸。

故地。訓發湟中六千人。縫革船。置單上。渡河掩擊。大破之。一種殆盡。逃唐收餘衆。西徙千餘里。燒當豪帥稽顙歸死。餘皆歛塞納質。

孝和皇帝

己丑永元元年春。下尚書僕射郅壽。

字伯孝。暉之子。吏壽自殺。

竇憲嘗使門生齎書詣尚書僕射郅壽。有所請託。壽送

詔獄。上書陳憲驕恣。引王莽以誡國家。又因朝會。厲音

正色。譏憲等以伐匈奴起第宅事。憲怒。陷壽以買公田

誹謗。下吏當誅。侍御史何敞上疏言之。

疏曰。壽幾密近臣。匡救為職。若

默懷不言。其罪當誅。今壽違衆正議。以安宗社。豈其私邪。忠臣盡言以死為歸。臣誠不欲聖朝行誹謗之誅。以

杜塞忠直。書奏壽得減死。徙合浦。未行。自殺。時竇憲將行。公卿品

朝堂上書諫。以為匈奴不犯邊塞。而無故勞師遠涉。損費國用。微功萬里。非社稷之計。書連上。輒寢。宋由諸卿稍自引止。唯袁安任隗。兕冠固爭。前後十上。眾皆危懼。安。隗正色自若。侍御史魯恭上疏曰。萬民者。天之所生。天愛其所生。猶父母愛其子。一物有不得其所者。則天氣為之舛錯。況于人乎。今匈奴遠藏去塞數千里。而欲乘其虛耗。利其微弱。是非義之所出也。書奏不省。魯恭字仲康。平陵人。

夏六月。竇憲擊北匈奴。大破之。登燕然山。注見前。刻石勒功。

而還。

竇憲耿秉出朔方塞。

南單于出滿夷谷。度遼將軍鄧鴻出橐陽塞。皆會涿邪山。與北

單于戰于稽落山。

在漠北。胡三省注。唐置稽落州。蓋因山以名。

大破之。單于

遁走。斬獲甚眾。降二十餘萬人。出塞三千餘里。登燕然

山。命中護軍班固刻石勒功。紀漢威德而還。

憲又遣司馬吳汜奉

金帛遣北單于于西海上以詔致賜單于稽首拜受遣其弟右溫禺鞹王奉貢入侍憲以單于不自身到奏還其侍弟。

秋九月以竇憲為大將軍。

封憲武陽

胡三省注郡國志泰山郡有南武陽侯國憲蓋封此南武陽故城在今山東沂州府費縣

侯食邑二萬戶憲固辭封爵詔許之舊大將軍位在三

公下至是詔憲位在太傅下三公上

竇氏兄弟驕縱而景尤甚奴客尊人

財貨篡取罪人妻略婦女擅發緣邊突騎袁安劾景不報壞獨好經書節約自修何敞上封事曰伏見大將軍

憲兄弟專朝虐用百姓奢侈僭倂誅戮無罪臣誠不欲

上令太后損文母之號陛下有誓泉之讖下使憲等得

長保其福佑駙馬都尉瓌比請退身願抑家權可與參

謀聽順其意誠宗廟至計竇氏之福時濟南王康尊貴

驕甚憲乃白出敞為濟南太傅康有違失敞輒

諫爭康雖不能從然素敬重敞無所嫌忌焉

大水

郡國凡九

庚寅二年春二月壬午日食。東觀記。史官不覺涿郡言之。

月氏遣使貢獻。

初月氏求尚公主。班超拒還其使。由是怨恨。遣其副王

謝將兵七萬攻超。

超衆少。皆大恐。超曰。月氏兵雖多。然數十里踰葱嶺來。非有運輸。何足憂。

邪。但當收穀堅守。彼饑窮自降。不過數十日決矣。

不下。抄掠無所得。超度其必

從龜茲求食。乃遣兵數百于東界要之。謝果遣騎賂龜

茲。伏兵遮擊。盡殺之。持其首示謝。謝大驚請罪。由是歲

奉貢獻。

秋七月。竇憲出屯涼州。

辛卯三年春正月。帝冠。

始用曹褒新禮。擢褒監羽林左騎。

二月。竇憲遣兵擊北匈奴于金微山。在漠北。章懷注。去朔方五千餘里。大破之。單于走死。

先是。北單于遣使款塞。欲入朝見。憲遣班固迎之。會南單于求滅北庭。憲復遣中郎將耿譚將騎出塞。襲擊北

單于。單于被創。僅而得免。事在二年。至是。憲以北匈奴微弱。

欲遂滅之。遣左校尉耿种字定公。秉之弟。圍北單于金微山。大

破之。獲其母闕氏。名王以下。五千餘級。單于逃走。不知

所在。出塞五千餘里而還。自漢出師。所未嘗至也。憲又遣兵

擊北匈奴之守伊吾者。復取其地。車師震懼。前後王各遣子入侍。

竇憲殺尚書僕射樂恢。字伯奇。京兆長陵人。

竇憲以耿种任尚為爪牙。鄧疊。郭璜為心腹。班固傳殺

字武仲。茂陵人。典文章。刺史守令多出其門。賦斂吏民共爲賂。

遺袁安。任隗舉奏諸二千石。并所連及貶秩免官。四十

餘人。竇氏大恨。以安隗素行高。未有以害也。尚書僕射

樂恢上疏曰。陛下富于春秋。纂承大業。諸舅不宜幹正

王室。示天下之私。若上能以義自割。下能以謙自引。則

四舅可保。爵土之榮。而皇太后永無慙負宗廟之憂矣。

書奏不省。恢乞骸骨歸。憲風州郡迫脅。恢飲藥死。于是

震懼無敢違者。袁安以天子幼弱。外戚擅權。每朝會進見。及與公卿言國家事。未嘗不喑鳴流涕。自天子及大

臣皆恃賴之。

冬十月。帝如長安。竇憲來會。

帝幸長安。詔憲與車駕會。憲至。尚書以下議欲拜之。伏

稱萬歲。尚書韓稜正色曰。夫上交不諂。下交不黷。禮無

人臣稱萬歲之制。議者皆慙而止。

尚書左丞王龍私奏記。上牛酒于憲稜舉

奏論爲城旦。

以班超爲西域都護。

龜茲姑墨溫宿諸國皆降。復置西域都護。騎都尉。戊巳校尉官。以班超爲都護。徐幹爲長史。

十二月。帝還宮。

壬辰四年春正月。立北匈奴於除鞬爲單于。

初。北單于旣亡。其弟於除鞬自立。遣使款塞。竇憲請立爲單于。置中郎將領護。如南單于故事。事下公卿議。宋由等以爲可許。袁安任隗。以爲光武招懷南虜。非謂可

永安內地。正以權時之算。可得扞禦北狄故也。今宜令

南單于反北庭。領降衆。無緣復更立於除隴。以增國費。

事奏未以時定。安懼憲計遂行。又獨上封事言之。略曰。南單

于屯先父。舉衆歸德。四十餘年。屯又首唱大謀。空盡北

虜。今更立新降。是失信所養。建立無功。况烏桓鮮卑。新

殺北單于。今立其弟。豈不懷怨。詔下其議。安與憲更相難折。憲負勢驕

訐。至詆毀安。稱光武誅韓歆戴涉故事。事俱見前。安終不移。

然上竟從憲策。初。廬江周榮。辟袁安府。安舉奏。寶景及

榮曰。寶氏悍士。刺客滿城中。謹備之矣。榮曰。榮。江淮孤

生。得備宰士。縱爲所害。誠所甘心。因敕妻子。若卒遇飛

禍。無得殯殮。冀以區區腐身。覺悟朝廷。

三月。司徒安卒。以丁鴻爲司徒。

安卒。朝野咸爲痛惜。後數月。寶氏竟敗。

夏六月戊戌朔日食。

丁鴻上疏曰。昔諸呂擅權。統嗣幾移。哀平之間。廟不血食。今大將軍雖欲勅身自約。然而天下遠近。皆惶怖承旨。背王室。向私門。人道悖于下。效驗見于天。去事之徵。未然之明鏡也。夫天不可以不剛。不剛則三光不明。王不可以不彊。不彊則宰牧縱橫。宜因大變。改正匡失。以塞天意。

地震。

郡國凡十三。

旱蝗。

大將軍竇憲伏誅。

竇氏父子兄弟。並爲卿校。充滿朝廷。鄧疊及弟磊母元

與憲婿郭舉舉父璜共相交結舉得幸太后遂謀為逆

帝知其謀而外臣莫由親接以鉤盾令

典諸近池苑園遊觀之處宦者

為鄭衆

南陽

謹敏有心幾不事豪黨遂與定議誅憲會

憲自涼州還京師帝將發其謀使清河王慶私從千乘

王伉

帝長兄也

求得外戚傳

章懷注前書外戚傳也

夜獨內之又令慶

傳語鄭衆求索故事

謂文帝誅薄昭武帝誅竇嬰故事

明日幸北宮詔

執金吾五校尉兵屯衛南北宮閉城門捕璜舉豐磊誅

之收憲大將軍印綬更封冠軍侯與篤景瓌皆就國選

嚴能相迫令自殺

初張酺為河南尹數以正法繩景及實氏敗酺上疏曰方憲等寵貴羣臣

阿附唯恐不及今嚴威既行皆言當死不復顧其前後

伏見陽夏侯瓌每存忠善未嘗犯法宜加貸宥以崇厚德帝感其言由是瓌獨得全實氏宗族賓客皆免歸故

著漢書未就詔固女弟曹壽妻昭踵成之。

以宦者鄭眾爲大長秋。

帝策勲班賞眾每辭多就寡帝由是賢之常與議事中官用權自此始。

秋七月太尉由以罪策免自殺。

以黨于竇氏也。

八月司空隗卒以尹睦

河南人

爲太尉錄尚書事劉方

卽前襄城

令爲司空。

初議立北單于惟宗正劉方大司農尹睦同袁安任隗議及竇氏敗帝追思前議故策免宋由會隗病卒以睦爲太尉方爲司空鄧彪以老病上還樞機職詔以睦代

鄧訓得諸部心由張紆失
信之後能以恩威服衆也
其尚軍事招徠適以示弱
以致遂唐復叛以姑息爲
禦外長計者亦可以鑒
矣

之。睦尋卒于位。力後坐事免歸。自殺。

護羌校尉鄧訓卒。迷唐復反。

鄧訓卒。吏民羌胡旦夕臨者。日數千人。前烏桓吏士。訓

任烏桓校尉。皆奔走道路。至空城郭。吏執不聽。以狀白校尉

徐儻。儻歎曰。此爲義也。乃釋之。遂家家爲訓立祠。聶尚

太守。代訓爲校尉。欲以恩懷諸羌。乃招迷唐。使還居大

小榆谷。迷唐遣祖母詣尚。尚自送之塞下。令譯護送之。迷唐遂與諸種屠譯屠

譯使以盟。復寇金城塞。尚坐免。明年。校尉貫友攻迷唐于大小榆谷。夾逢留大

河築城塢。作大航。造河橋。欲以渡兵。迷唐遠徙。依賜支

河曲。至永和八年。史充代友爲校尉。遂發湟中羌胡出

塞。而迷唐迎擊充兵。殺數百人。九年。充坐徵。是秋。迷唐

復率衆弱犇入臨洮南。尚等追至高山。大破之。迷唐引

種頗來附。迷唐恐乃降。詣闕貢獻。逢留大河。胡三省注。即黃河也。河水至此有逢留之名。賜支。即禹貢析支。地理今釋。在陝西河州西河曲。司馬彪曰。河水屈而東北。逕析支之地。是為河曲矣。臨洮。注見前。

巳癸五年春二月隴西地震

秋九月北單于叛遣兵追斬滅之

於除鞬聞竇憲誅自遁還北詔討斬之破滅其衆先是耿夔既破北匈奴鮮卑遂徙據其地至是匈奴餘種十餘萬落皆自號鮮卑鮮卑由此漸盛

以張酺為太尉

酺與尚書張敏

字伯達河間鄭人

等奏曹褒制漢禮亂聖術宜

加刑誅帝寢其奏而漢禮遂不行

甲午

六年春正月使匈奴中郎將杜崇等殺南單于安國立

左賢王師子為單于

單于屯屠何死。弟安國立。

安國初為左賢王。無稱警。及為單于。單于適之子左谷蠡。

王師子。以次轉為左賢王。師子素勇黠多智。數將兵擊北庭。受賞賜。國中盡敬師子。而不附安國。安國欲殺之。與諸新降胡同謀議。師子覺其謀。乃別居五原界。安國與中郎將杜崇不相平。

乃上書告崇。崇斷其章。因與度遼將軍朱徽上言。安國

親近新降。欲殺左賢王師子。起兵背叛。下公卿議。

皆以為宜

遣有方畧使者之單于庭。與崇徽并力。責其部眾為邊害者。共平罪誅。若不從命。令為權時方畧。亦足以威示百蠻。帝從之。于是徽崇遂發兵造其庭。安國奔走。舉兵欲誅

師子。師子先知。乃悉將廬落入曼栢城。

後漢縣。屬五原郡。地在今吳喇

河北。安國追到城下。門閉不得入。乃引兵屯五原。崇徽

因發諸部騎追赴之。安國舅喜為等恐并誅。乃殺安國。

而立師子。

師子既立。諸胡不服。北匈奴降者。夜襲師子。脅立前單于屯屠何子逢侯為單于。叛走出。

塞。詔遣將軍鄧鴻等擊之。逢侯遠遁。漢兵不能追而還。明年。鴻坐逗遛失利。朱徽。杜崇。坐失胡和致胡反。皆徵下獄。

死。

秋。京師旱。

班超發八國兵討焉者。斬其王廣。

初。龜茲諸國既降。焉耆猶懷二心。至是討之。斬廣及尉

犁王汎于陳睦故城。傳首京師。更立元孟為焉耆王。于

是西域五十餘國。悉納質內屬。至于海濱四萬里外。皆

重譯貢獻。

封班超為定遠侯。邑千戶。

以陳寵為廷尉。

寵性仁矜。數議疑獄。每附經典。務從寬恕。

乙未七年夏四月辛亥朔日食。

秋七月易陽漢縣故城在今直隸廣平府永年縣地裂。

九月京師地震。

丙申八年春二月立貴人陰氏為皇后識之曾孫也。

夏蝗河內陳留。

丁酉九年春三月隴西地震。

夏六月京師旱蝗。

詔除田租及山澤稅。

秋閏八月皇太后竇氏崩。諡章德合葬敬陵。

初梁貴人既死宮省事秘莫有知帝為梁氏出者至是。

舞陰公主子梁扈奏記三府太尉張酺言狀帝感慟良

久會貴人姊樊調妻上書自訟乃知貴人冤歿之狀三公

奏請貶竇太后尊號不宜合葬先帝帝手詔臣子無貶

尊上之文其勿復議

追尊梁貴人為恭懷皇太后葬西陵

封梁竦子三人為侯崇為樂平侯雍為乘氏侯翟為單父侯位皆特進梁

氏自此盛清河王慶始敢求上母宋貴人冢帝許之並詔宋氏悉歸京師除慶舅皆為郎

戊戌十年夏五月京師大水

冬十月雨水凡五州

十二月以劉愷字伯象為郎

初居注見前侯劉般字伯興宣帝元孫薨子愷當嗣稱父遺意

讓其弟憲遁逃十餘年有司奏請絕其國賈逵上書曰

孔子稱能以禮讓爲國乎何有。有司不原樂善之心。而繩以循常之法。非所以長克讓之風。成含宏之化也。詔聽憲嗣爵。徵愷爲郎。

己亥十一年春二月。遣使循行廩貸。

令郡國被災害。不能自存者。得漁采山林池澤。不收假稅。尋又詔曰。吏民踰僭。是以舊令制之節度。頃者貴戚近親。莫肯率從。有司不舉。怠放日甚。奇巧靡貨。流積公行。在位犯者。當先舉正。申明憲綱。

庚子

十二年夏四月。秭歸後漢縣。今湖北宜昌府歸州是。山崩。

秋七月辛亥朔日食。

辛丑

十三年春正月。帝幸東觀。漢聚書之所。

帝覽書林。閱篇籍。召見諸儒。魯丕。

字叔陵。恭之弟。

賈逵。黃香。

字文

彊。江陵安陸人。京師號等。相難數事。帝善丕說。特賜衣

日。天下無雙。江夏黃童。

冠。丕因上疏曰。說經者傳先師之言。非從已出。若規矩

權衡之不可枉也。難者必明其據。說者務立其義。浮華

無用之言。不陳于前。故精思不勞。而道術愈章。法異者

各令自說師法。博觀其義。無令幽遠獨有遺失也。

迷唐復叛。寇金城。郡兵擊破之。

初。迷唐既入朝。

事具前。

其餘種人不滿二千。饑窘不立。帝

令還大小榆谷。迷唐以故地不可復居。辭不肯出。校尉

吳祉等促使出塞。迷唐復叛。寇鈔而去。

吳祉等皆坐徵。

至是。迷

唐復還。賜支河曲。將兵向塞。金城太守侯霸等擊之。種

人瓦解。迷唐遂弱。遠踰賜支河首。依發羌羌之別種。居久之。病死。其子來降。

冬。詔邊郡舉孝廉。

詔曰。幽并涼州。戶口率少。邊役衆劇。求修良吏。進仕路狹。撫接夷狄。以人爲本。令緣邊郡口十萬以上。歲舉孝廉一人。不滿十萬。二歲一人。五萬以下。三歲一人。

以魯恭爲司徒。

初。恭爲中牟令。專以德化爲理。不任刑罰。時郡國螟傷稼。獨不入中

牟。河南尹袁安聞之。疑其不實。使掾往廉之。恭隨行。阡陌有雉飛止。傍有兒童。掾曰。兒何不捕雉。兒曰。雉方雛。掾瞿然起曰。所以來者。欲察君政。今蟲不犯境。一異也。化及鳥獸。二異也。童子有仁心。三異也。遂還府。白安。安因上書言。徵拜侍御史。累遷光祿勳。選舉清平。貴戚不狀。帝異之。

循良自貴。實政飛蝗。越境兒童。不捕雛雉。未免誇誕。失真與虎不渡河何異耶。

能枉其正。至是爲司徒。十六年七月免。

寅十四年春。安定羌反。郡兵擊滅之。復置西海郡。

安定降羌燒何種反。郡兵擊滅之。自是西海及大小榆

谷左右。無復羌寇。隃麋後漢侯國。故城在今鳳翔府汧陽縣。相曹鳳上言。

燒何種居大小榆谷。土地肥美。有西海魚鹽之利。阻大

河以爲固。又近塞內諸種。故犯法者常從此起。宜及此

時。建復西海郡縣。規固二榆。廣設屯田。隔塞羌胡交關

之路。遏絕狂狡窺欲之源。又殖穀富邊。省委輸之役。國

家可以無西方之憂。上從之。乃繕修故西海郡。拜鳳爲

金城西部都尉。戍之。後增廣屯田。列屯夾河。合三十四部。其功垂立。會永初中。諸羌叛。乃

罷。

皇后陰氏廢死

陰皇后多妬忌。寵遇寔衰。數懷恚恨。有言后與外祖鄧

朱挾巫蠱道者。后坐廢。以憂死。朱考死獄中

大水。凡三州。

徵班超還京師。

班超久在絕域。超自永平十六年出西域。至是凡三十一年。年老。上書乞歸。

書言。臣不敢望到酒泉郡。但願生入玉門關。久之未報。超妹曹大家。讀作上姑。

書為超求哀。帝感其言。乃徵超還。八月至雒陽。拜為射聲校尉。

九月卒。超之被徵也。任尙代為都尉。謂超曰。小人猥承君後。任重慮淺。宜有以誨之。超曰。塞外吏士。本

非孝子順孫。皆以罪過徙補邊屯。而蠻夷懷鳥獸之心。難養易敗。今君性嚴急。水清無大魚。察政不得下和。宜

蕩佚簡易。寬小過。總大綱而已。超去後。尙私謂所親曰。我以班君當有奇策。今所言平平耳。尙後竟失邊和。如

超言

立貴人鄧氏為皇后。

初鄧禹嘗謂人曰吾將百萬之眾未嘗妄殺一人後世必有興者其子訓有女曰綏性孝友好書傳常晝修婦業暮誦經典家人號曰諸生選入宮為貴人恭肅小心動有法度承事陰后接撫同列常克已以下之雖宮人

隸役皆加恩恤帝深嘉焉

嘗有疾帝特令其母兄弟入視醫藥貴人辭曰宮禁至重

而使外舍久在內省上令陛下有私幸之譏下使賤妾獲不知足之謗上下交損誠不願也每有讌會諸姬競自修飾貴人獨尚質素其衣有與陰后同色者即時解易若並時進見則不敢正坐離立每有所問常逡巡後對帝數失皇子貴人數及是立為皇后邵國貢獻悉令選進才人以博帝意

禁絕歲時但供紙墨而已

帝每欲官爵鄧氏后輒哀請謙讓故后兄騰終帝世不過

御國貢獻本非中素得而
二事入鄧后乃以禁絕見
謂足以觀漢家制度矣

中郎將。鄧騭。字昭伯。

以徐防

字謁卿。沛國鉅人。

為司空。

防上疏。以為漢立博士十有四家。

漢官儀曰。光武中興。恢宏稽古。易有施孟。

梁邱賀。京房。書有歐陽和伯。夏侯勝。建詩有申公。轅固。韓嬰。春秋有嚴彭祖。顏安樂。禮有戴德。戴聖。凡十四博

士。設甲乙之科。

前書。歲課甲科四十人。為郎中。乙科二十人。為太子舍人。丙科四十人。為文學

掌故。以勉學者。今太學試博士弟子。皆以意說。不修家法。

不依章句。妄生穿鑿。輕侮道術。寢以成俗。誠非詔書實

選本意。改薄從忠。三代常道。專精務本。儒學所先。臣以

為博士策試。宜從其家章句。開五十難以試之。解釋多

者。為上第。引文明者。為高說。若不依先師。義有相伐。皆

正以為非。上從之。

封宦者鄭眾為鄭鄉

章懷注。南陽郡棘陽有鄭鄉。棘陽故城在今河南南陽府新野縣。侯。

宦者封侯自此始。

癸卯

十五年夏四月甲子晦日食。

時帝遵肅宗故事兄弟皆留京師有司以日食陰盛奏

遣諸王就國詔曰甲子之異責由一人諸王幼穉早離

顧復常有蓼莪

小雅詩篇

凱風

邶風詩篇

之哀

選懦

音軟

之恩知

非國典且復宿留

宿先就反留力就反。猶言停待也。

秋九月雨水

凡四州。

冬十月帝如章陵十一月還宮。

幸章陵祠舊宅祠園廟會宗室于舊廬勞賜作樂進幸

雲夢臨漢水進幸江陵時太尉張禹

字伯達。禹子襄國人。留守。禹于

年。代張酺聞之。以為不宜冒險遠遊。驛馬上諫。詔報曰。

祠謁既訖。當南禮大江。今得君奏。臨漢回輿。及還。禹特

蒙賞賜。

詔大官勿受遠國珍羞。

嶺南舊貢生龍眼。

交州記。樹高五六丈。子似荔枝而小。七月熟。

荔枝。大如桂樹。實如

雞子。至日禺中。翕然俱赤。食之甘而多汁。

十里一置。

馬遞

五里一候。

司望晝

夜傳送。臨武。

漢縣。今屬湖南桂陽州。

長唐羌。

字伯游。汝南人。

上書曰。臣聞

上不以滋味為德。下不以貢膳為功。伏見交阯七郡。獻

生龍眼等。鳥驚風發。南州土地炎熱。惡蟲猛獸。不絕于

路。觸犯死亡。不可勝數。死者不可復生。來者猶可救也。

詔曰。遠國珍羞。本以薦奉宗廟。苟有傷害。豈愛民之本。

其敕大官勿復受獻。

甲辰十六年秋七月旱。

乙巳元興元年冬十二月帝崩。年二十七皇后迎子隆卽位。是爲孝殤帝。

初帝失皇子十數。後生者輒隱秘。養于民間。羣臣無知者。及帝崩。皇后乃收皇子于民間。長子勝有痼疾。少子隆生始百餘日。迎立以爲太子。卽位。

尊皇后曰皇太后。太后臨朝。

雒陽令王渙。字稚子。潁川人。卒。

渙居身平正。能以明察發擿姦伏。外猛內慈。人皆悅服。至是卒。官百姓莫不流涕。爲立祠。作詩弦歌以祭。太后

詔曰。夫忠良之吏。國家所以爲治也。求之甚勤。得之至寡。故洛陽令王渙。秉清修之節。盡心奉公。務在惠民。其以渙子石爲郎中。以勸勞勤。

孝殤皇帝

丙午延平元年春正月。以張禹爲太傅。徐防爲太尉。參錄尚書事。

太后以帝在襁褓。欲令重臣居禁內。乃詔禹舍宮中。五日一歸府。每朝見特贊。與三公絕席。

封兄勝爲平原王。

三月葬愼陵。

在洛陽東南。

賀善贊曰。和帝早發英斷。收攬權綱。而又尊儒納諫。動無大過。惜乎始謀不遠。權奸雖除。宦豎用事。遂爲東漢。

禍基之主。

清河王慶就國。特加殊禮。

慶子祐年十三。太后以帝幼弱。遠慮不虞。留祐與嫡母

耿姬居清河邸。姬况孫也。

夏四月。罷祠官不在禮典者。

太后以鬼神難徵。淫祀無福。乃詔有司罷之。又詔赦建武以來諸

犯禁錮者。皆復為平人。減大官導官。尚方內署。服御珍膳。靡麗難成之物。自非陵廟。米不得導擇。朝夕一肉飯而已。郡國所貢。皆減過半。斥賣上林鷹犬。離宮別館。儲峙米炭。悉令省之。又詔免遣掖庭宮人。及宗室之沒入者。皆為庶民。

以鄧騭為車騎將軍。儀同三司。胡三省注。三司三公也。晉職官志。儀同三司之名始

此。

五月河東垣山

章懷注垣縣山也垣縣故城在今山西絳州垣曲縣崩。

雨水詔實覈傷害除其田租。

郡國三十七大水詔曰間者水災害稼朝廷憂懼而郡國欲獲虛譽遂多張墾田競增戶口掩匿盜賊奸惡無懲署用非次選舉乖宜貪苛慘毒延及平民刺史垂頭塞耳阿私下比不畏于天不愧于人自今以後將糾其罰二千石長吏其各實覈所傷害爲除田租。

秋八月帝崩。

年二歲

太后迎清河王子祐入卽位。是爲孝安帝太

后猶臨朝。

后與兄騭定策禁中迎祐拜長安侯立以爲和帝嗣。
詔檢勅鄧氏賓客。

詔司隸校尉河南尹南陽太守曰。每覽前代外戚賓客。濁亂奉公。爲民患苦。咎在執法怠懈。不輒行其罰故也。今宗門廣大。姻戚不少。賓客姦猾。多干憲禁。其明加檢勅。勿相容護。自是親戚犯罪。無所假貸。

九月大水。

凡六州。

葬康陵。

以連遭大水。百姓苦役。方中

陵中也。

秘藏及諸工作。減十

之九。

隕石于陳留。

冬十月大水。雨雹。

凡四州。

清河王慶卒。

清河王病篤。上書求葬宋貴人冢旁。遂薨。年二十九。太

后使掖庭丞送左姬。

左姬名小娥。安帝生母也。

喪與王合葬。使司空

持節弔祭。車騎將軍鄧騭護喪事。

詔舉隱逸。選博士。

尚書郎樊準。

字幼陵。南陽湖陽人。

以儒學陵替。乃上疏曰。臣聞人

君不可以不學。光武皇帝受命中興。不遑啟處。然猶投

戈講藝。息馬論道。孝明皇帝庶政萬幾。無不簡心。而垂

情古典。游意經藝。正坐自講。諸儒並聽。化自聖躬。流及

蠻荒。今學者益少。遠方尤甚。博士倚席不講。儒者競論

浮麗。宜博求幽隱。寵進儒雅。以俟聖上講習之期。太后

深納其言。詔公卿中二千石。各舉隱士大儒。務取高行。

以勸後進。妙簡博士。必得其人。

孝安皇帝

丁未。永初元年。春正月。蜀郡徼外羌內屬。

徼外羌龍橋等六種慕義降附。于是分犍為南部為屬

國都尉。

時永昌徼外焦僂種夷及九真徼外夜郎蠻皆貢獻內屬。

三月癸酉日食。

夏四月。封鄧騭及弟悝。弘。闡。皆為列侯。騭辭不受。

先是。騭兄弟常居禁中。騭不欲久在內。連求還第。太后

乃許之。至是。封騭及諸弟皆為列侯。騭辭讓不獲。遂逃

避使者。上疏自陳。至于五六。乃許之。

弘性儉素。不歐陽尚書。授帝禁中。後

卒。有司奏贈驃騎將軍。太后追弘雅意。不許。但賜錢布。騭辭不受。

鄧騭於后族中尚稱賢者。然後為大將軍。本無大功。王主以下。候望於道光。震都鄙。又何為者。則此辭讓亦不過矯情好名之舉耳。不可謂真賢也。

五月。以魯恭為司徒。恭先罷。至是再為司徒。

恭奏舊制立秋乃行薄刑。自永元以來。改用孟夏。上逆時氣。下傷農業。按月令。孟夏斷薄刑者。謂輕罪以上。不欲久繫。故時斷之也。孟夏之制。可從此令。其決獄案考。皆以立秋為斷。恭又奏。章帝定令。斷獄皆以冬至之前。而小吏入十一月。得死罪賊。不問曲直。便即格殺。雖有疑罪。不復讞正。可令大辟之科。盡冬月乃斷。從之。

六月。封太后母陰氏為新野君。

罷西域都護。及伊吾盧柳中。注俱見前。屯田。

先是西域諸國叛。攻都護任尚于疏勒。尚上書求救。曾朝廷以梁懂為

西域副校尉。即敕懂發兵赴之。懂未至而尚已得解。梁懂。字伯威。北地弋居人。詔徵尚還。以

段禧為都護保龜茲

禧先守它乾城梁慄以為不可固乃詭說龜茲王白霸而以兵擊破

其眾遂保龜茲

道路隔塞檄書不通公卿議者以為西域阻遠

數有背叛吏士屯田其費無已于是罷之

諸羌復叛詔將軍鄧騭校尉任尚討之

鄧騭任尚討羌范書安帝紀載在永

初元年六月西羌傳載在是冬通鑑從西羌傳考騭本傳云其夏涼州羌叛詔騭討之與帝紀同今依之改輯于六月

初諸降羌布在郡縣皆為吏民豪右所徭役積以愁怨

會罷西域都護發羌數千騎迎之郡縣迫促發遣羣羌

頗有散叛諸郡發兵邀遮或覆其廬落于是諸種

大豪東岸等

愈驚同時奔潰

先是燒當東號子麻奴將居安定及是麻奴兄弟與先零別種

滇零及鍾羌俱叛鍾羌居隴西臨洮谷

八為寇掠斷隴道隴道時羌

諸羌苦豪右徭役是安插既已失宜至叛無器甲而郡縣方畏懦不前漢家之政可知矣欲不亡得乎

既為三公於宣威擅權鉗
已戀職非不能燮理而何
然專以災異譏之則誠過
舉長統說猶未備

歸附已久。無復器甲。或持竹竿木枝。以代戈矛。或負板

案以為楯。或執銅鏡以象兵。郡縣畏懦。不能制。詔遣車

騎將軍鄧騭。征西校尉任尚。將五營北軍五校營及諸郡兵

討之。騭至漢陽。諸郡兵未至。明年春。鍾羌數千人。擊敗

騭軍于冀西。會梁慄自西域還。至敦煌。逆詔慄留

為諸軍援。慄至張掖。破諸羌萬餘人。羌大豪三百餘人。

請降。並慰譬遣還故地。漢陽後漢郡。治冀。今鞏昌

府。伏羌縣是冀西。冀縣之西也。

秋九月。以寇賊雨水。策免太尉防。司空勤。徐防尹勤。

三公以災異免。自此始。仲長統曰。言曰。光武愠數世之

政不任下。雖置三公。事歸臺閣。自此以來。三公之職。備

員而已。至于中世。權移外戚。寵被近習。用其私人。殘擾

百姓。使陰陽失和。水旱為災。此皆戚宦之臣所致。然也。

反以策讓三公。至于死免。足為叫呼蒼天。號咷泣血者

冬十一月司空周章

字次叔南陽隨人

自殺

章于九月代尹勤為司空

清河之立雖太后之私然章為大臣爭之可也爭之不從合外廷共立平原王可也無密謀誅人及廢后之理其心雖近忠其蹟實為亂非人臣正道劉友益謂其死自取當矣

鄭眾蔡倫等皆乘勢豫政周章數進直言太后不能用初太后以平原王勝有痼疾而貪殤帝孩抱養為己子故立焉及殤帝崩羣臣以勝疾非痼意咸歸之太后以前不立勝恐後為怨乃迎帝而立之周章以眾心不附密謀誅騰兄弟及眾倫等廢太后及帝而立勝事覺自殺

劉友益書法周章不書謀逆蓋清河之立太后之私章位在三公與其他謀廢立者異矣然后無大過騰又近賢章不量時而出此計其死自取之而已矣

地震大水大風雨雹

是歲郡國十八地震四十一大水二十八風雹

戊申二年春遣使稟貸冀兗流民

御史中丞樊準上疏請減無事之物省官吏作者被災之郡百姓凋殘恐非賑給所能勝贍可遣使持節慰安

元困乏者徙置荆揚孰

與熟同

郡太后從之悉以公田賦

與貧民卽擢準爲光祿大夫使冀州遣議郎呂倉使兗州稟貸流民咸得蘇息

夏五月旱太后親錄囚徒

太后幸雒陽寺

官之所止曰寺

及若盧獄

屬少府主鞠將相大臣

錄囚徒

太后專政日久甚至親錄囚徒成何國體史臣乃以澍雨適降歸美一囚之平反較之東海飛霜附會更甚矣

雒陽有囚實不殺人而被考自誣羸困輿見畏吏不敢

言將去舉頭若欲自訴太后呼還問狀具得枉實卽收

雒陽令抵罪行未還宮澍雨大降

御批歷代通鑑輯覽

卷之二十三

三

六月大水大風雨雹。

京師及郡國凡四十。

秋七月太白入北斗。

冬任尚與先零羌滇零戰大敗詔遣謁者龐參

字仲達緄氏人督

諸軍屯。

鄧騭使任尚與滇零等戰于平襄。

漢縣為隴西郡治故城在今甘肅鞏昌府

通渭縣

尚軍大敗羌眾遂大盛朝廷不能制湟中粟石萬

錢死亡不可勝數而轉運難劇故左校令

官名掌左工屬將作大匠

龐參先坐法輸作若盧使其子俊上書

日萬里運糧遠就羌戎不若總

兵養眾以待其疲鄧騭宜且振旅留任尚使督涼州士

民轉居三輔休徭役以助其時止煩賦以益其財令男
得耕種女得織紉然後畜精銳乘解沮出其不意攻其不備則邊民之警報怨之耻雪矣書奏會

樊準上疏薦參。太后卽擢參于徒中。召拜謁者。使西督

三輔諸軍屯。

滇零僭稱天子。招集諸雜羌。斷隴道。寇鈔三輔。南入益中。殺漢中太守董炳。梁慄受

詔。當屯金城。聞羌寇三輔。卽引兵赴擊。連破走之。羌稍退散。

徵鄧騭爲大將軍。

詔鄧騭還京師。留任尚屯漢陽。騭拜爲大將軍。旣至。使

大鴻臚親迎。中常侍郊勞。王主以下。候望于道。龍靈顯

赫。光震都鄙。

地震。

郡國凡十二。

己酉三年春正月。帝冠。

京師大饑。民相食。

司徒恭罷。

兩漢皆知重經學。然至三公聚門徒。實放黨人清流。惡習浸淫。及於宋之洛蜀。

明之東林幾復真所云焦爛為期蹈覆轍而不悔者

御批唐書通鑑輯覽卷之二十三

恭再在公位選辟高第胡三省注此謂公府掾屬至列卿郡守而門

下耆生或不蒙薦舉有怨望者恭聞之曰學之不講是

吾憂也諸生不有鄉舉者乎章懷注言自有鄉里之舉何待三公之辟終無

所言亦不借之議論

夏四月令吏民入錢穀拜爵有差

以國用不足從三公之請也得為關內侯虎賁羽林郎及五官大夫有差

冬十月南匈奴反通鑑係于六月今依范書帝紀

十二月地震郡國九

有星孛于天苑天苑十六星在昴畢南

雨水并京大饑人相食

戊庚四年春正月元會徽樂不陳充庭車以年饑故不令陳列

遣御史中丞王宗青州刺史法雄

字文彊。扶風郿人。齊襄王法章之後。秦滅齊。子

孫不敢稱出姓。故以法為氏。後徙三輔。討海賊張伯路。

先是海賊張伯路等寇濱海九郡。

事在三年。

遣侍御史龐雄

督州郡兵擊之。伯路等乞降。尋復屯聚。黨眾浸盛。至是

詔遣御史中丞王宗持節發幽冀諸郡兵合數萬人徵

法雄為青州刺史并力討之。宗雄與伯路連戰破走之。

會赦到。賊以軍未解甲。不敢降。議者皆以為當遂擊之。雄曰。不然。兵凶器。戰危事。勇不可恃。勝不可必。賊若乘船入島。攻之未易也。及有赦令。可且罷兵。以慰誘其心。勢必解散。然後圖之。可不戰而定也。宗善其言。即罷兵。賊乃還所畧人。而東萊郡兵獨未解甲。賊復驚走海島上。已乏食。東掠。明年雄破斬之。

詔以涼州牧守子弟為郎

龐參說鄧騭徙邊郡不能自存者入居三輔。騭然之。欲

虞詡三不可實籌邊至論
古來藉寇齎盜皆選懦無
識者姑息釀成之

棄涼州并力北邊乃會公卿集議隲曰譬若衣敗壞一

以相補猶有所完若不如此將兩無所保郎中虞詡字

卿陳國武平人言于太尉張禹詡曰大將軍之策不可者三先

費舉而棄之一也涼州既棄即以三輔為塞園林單外

二也諺曰關西出將關東出相烈士武臣多出涼州上

風壯猛便習兵事今羌胡所以不敢入據三輔為心腹

之害者以涼州在後故也涼州士民所以推鋒執銳父

死子戰無反顧之心者為臣屬于漢故也今割而棄之

民庶安土重遷必引領而怨曰中國棄我于戎狄如卒

然起謀因天下之饑敝驅民先以為前鋒席卷而東則

函谷以西固陵舊京非復漢有三也議者喻以補衣猶

有所完詡恐其茹食禹曰微子之言幾敗國事詡因說

浸淫而無限極也禹網羅涼上豪傑引其牧守子弟于朝外以勸厲答其

功勤內以拘致防其邪詡禹善其言乃更集四府皆從

詡議于是辟西川豪傑為掾屬其牧守長吏子弟為郎

以慰安之。

以虞詡爲朝歌長。討縣境羣盜。平之。

鄧騭以前議惡詡。欲以法中之。會朝歌賊數千人攻殺

長吏。屯聚連年。州郡不能禁。乃以詡爲朝歌長。故舊皆

笑曰。事不避難。臣之職也。不遇盤根錯節。無以別利器。此乃吾立功之秋也。始到。謁河內太

守馬稜。扶風茂陵人。稜曰。君儒者。當謀謨廟堂。乃在朝

歌。甚爲君憂之。詡曰。此賊犬羊相聚。以求溫飽耳。願明

府不以爲憂。稜問其所以。詡曰。朝歌背太行。臨黃河。去

不知開倉招衆。劫庫兵。守成臯。斷天下右臂。此不足憂也。今其衆新盛。難與爭鋒。兵不厭權。願寬假轡策。勿令

有所拘。詡到官。設三科以募求壯士。自掾吏以下。各舉

所知。攻擊者爲上。傷人偷盜者次之。不事家業者爲下。

收得百餘人。貫其罪，使入賊中，誘令剽掠。乃伏兵以待之。殺數百人。又潛遣貧人能縫者，備作賊衣，以綵線縫其裾。有出市里者，吏輒禽之。賊由是駭散。縣境皆平。

三月。南匈奴降。

初，漢人韓琮隨南單于入朝。既還，說南單于云：「關東水潦，人民饑餓，死盡可擊也。」單于信其言，遂反。詔以大司農何熙行車騎將軍事，中郎將龐雄爲副，將五營及邊郡兵二萬餘人，又詔遼東太守耿种率鮮卑及諸郡兵共擊之。以梁慄行度遼將軍事。慄等屢破匈奴兵，連營稍前。單于怖恐，顧讓韓琮曰：「汝言漢人死盡，今是何等人也。」乃遣使乞降，許之。

先零羌寇漢中。太守鄭勤戰死。

滇零遣兵寇褒中。

注見前。

漢中太守鄭勤欲擊之。主簿段

崇諫不聽。出戰大敗。段崇與門下史王宗原展以身扞

刃。與勤俱死。

地震。

郡國凡九。

夏蝗。

司隸。豫。兗。徐。青。冀。六州。

秋七月大水。

凡三郡。

九月地震。

益州郡。

太后母新野君卒。

新野君病。太后幸其第。連日宿止。三公上表固爭。乃還

宮。及薨。使司空護喪事。儀比東海恭王。

鄧騭等乞身行服。太后欲不許。

曹大家勸
后許之。

辛亥五年春正月庚辰朔日食。

地震。郡國凡十。

羌寇河內。三月詔徙緣邊郡縣遣侍御史任尚擊羌破之。

羌寇河東至河內百姓多南奔渡河使北軍中候掌監屯騎

越騎步兵長朱寵將五營士屯孟津。詔魏郡趙國常山中山繕作塢候六

百一所。羌既轉盛而緣邊二千石令長多內郡人並無

戰守意皆爭上徙郡縣以避寇難詔並從之。隴西自狄道徙襄

安定自臨涇徙美陽北地自富平徙池陽上郡自膚施徙治衙。臨涇漢縣今日鎮原屬下京府富平漢縣故

城在寧夏府靈州。今西安府富平縣。三國魏徙置衙即春秋彭衙漢于此置縣餘注俱見前。

百姓戀土不樂去舊遂刈其木稼發撤屋室夷營壘破積聚時

百姓不欲徙乃至刈禾稼
撤屋是較尤福更慘矣
然其時安帝未必知也為
人上者觀此而不思其日
達聽言或物政可乎

連旱蝗饑荒而驅蹙刦掠流離分散隨道死亡或棄捐老弱或為人僕妾喪其大半時任尚坐無功徵免詔復以為侍御史擊羌于上黨羊頭山在今潯安府長子縣東南破之乃罷孟津屯

漢陽賊杜季貢寇陷上邽漢縣注見前

漢陽人杜琦及弟季貢同郡王信等與羌通謀聚眾據

上邽城

琦自稱安漢將軍漢陽太守趙博遣客杜習刺殺琦明年侍御史唐喜討信斬之季貢亡從滇

零是歲滇零死子零昌立以季貢為將軍季貢別據丁奚城丁奚城在今寧夏府靈州

蝗九州雨水郡國

壬子六年春正月省薦新物二十三種

時水旱盜賊頻仍初不聞有修省實政而區區以薦新物種為詔真不揣其本者史官艷之陋甚

詔曰凡供薦新味多非其節或鬱養彊孰或穿掘萌芽

味無所至。而天折生長。豈所以順時育物乎。自今皆須
時乃上。凡所省二十三種。

三月。蝗。凡十州。

詔封建武功臣。

夏五月。旱。

六月。豫章員谿原山。章懷注。關。崩。

癸丑七年春正月。太后率大臣命婦謁宗廟。

二月。地震。郡國十八。

夏四月。丙申晦。日食。

秋。蝗。

甲寅元初元年春二月。日南地坼。長百八十二里。廣五十六里。

三月癸酉日食。

夏旱蝗。

京師及郡國五。

六月河東地陷。

羌豪號多掠漢中。校尉侯霸與戰破之。

羌豪號多與諸種鈔掠武都漢中。巴郡板楯蠻

後漢書南蠻傳

高祖為漢王發夷人以定三秦復其渠帥七姓不輸租賦世號板楯蠻夷蓋挾板楯而戰因以為名救之

漢中五官掾程信率郡兵與蠻共擊破號多號多走還

斷隴道與零昌合侯霸馬賢與戰于枹罕大破之

明年侯霸

病卒龐參代為校尉以恩信招誘諸羌號多等帥眾降參始自張掖還治令居通河西道

冬十月戊子朔日食。

十一月地震。

郡國凡十五。

乙卯二年春。零昌寇益州。遣中郎將尹就討之。

零昌種衆復分寇益州。遣尹就將南陽兵。並發益部諸郡屯兵。擊零昌黨呂叔都等。蜀人陳省羅橫應募刺殺叔都。皆封侯賜錢。

夏四月。立貴人閭氏爲皇后。后母。鄧弘妻之。同產也。故得立。

后性妬忌。後宮李氏生皇子保。后鳩殺李氏。

五月旱蝗。京師及郡國凡十九。

秋九月壬午晦日食。

校尉班雄超之子等擊零昌大敗。遣中郎將任尙屯三輔。

詔班雄屯三輔。司馬鈞督關中兵。龐參將羌胡兵。分道並擊零昌。參兵至勇士。後漢縣。故城在今蘭州府金縣東。爲杜季貢所

敗引退。鈞等獨進攻。拔丁奚城。季貢率眾僞逃。鈞令右

扶風仲光等收羌禾稼。光等違鈞節度。散兵深入。羌設

伏要擊之。光等兵敗並沒。鈞通還。龐參既失期。稱病。引還。皆坐徵下獄。鈞自殺。詔

以任尙爲中郎將。代班雄屯三輔。虞詡說尙曰。兵法弱

然之勢也。今虜皆馬騎。日行數百里。來如風雨。去如絕

弦。以步追之。勢不相及。所以雖屯兵二十餘萬。曠日而

無功也。爲使君計。莫如罷諸郡兵。各令出錢數千。二十

人共市一馬。以萬騎之衆。逐數千之虜。追尾掩截。其道

自窮。便民利事。大功立矣。尙卽上言用其計。遣輕騎擊

杜季貢于丁奚城。破之。明年度遼將軍鄧遵率南單于

擊零昌于靈州。任尙又遣

兵擊羌于丁奚城。並破之。

以虞詡爲武都太守。擊羌破之。

太后聞虞詡有將帥之略。以爲武都太守。羌眾數千。遮

詡于陳倉峭谷。胡三省注。此峭谷卽在陳倉大散關。非弘農峭谷也。人散關在今鳳翔府寶

事無定法何況兵機使非
神而明之皆趙括之讀父
書耳

雞縣西南。詡即停車不進。而宣言上書請兵。須到當發。羌聞

之。乃分鈔旁縣。詡因其兵散。日夜進道。兼行百餘里。令

吏士各作兩竈。日增倍之。羌不敢逼。或問詡曰。孫臏滅

日行不過三十里。以戒不虞。而今日且二百里。何也。詡

曰。虜衆多。吾兵少。徐行則易爲所及。速進則彼所不測。

虜見吾竈日增。必謂郡兵來迎。衆多行速。必既到郡。兵

憚追我。孫臏見弱。吾今示強。勢有不同故也。不滿三千。而羌衆萬餘。攻圍赤亭。在今甘肅階

州。成縣西南。詡設奇掩擊。詡令軍中彊弩勿發。而潛發小弩。羌以爲

彊弩。共射一人。發無不中。羌大震退。詡因出城奮擊。多

所傷殺。明日。悉陳其兵衆。令從東郭門出。北郭門入。貿

易衣服。回轉數周。羌不知其數。更相恐動。詡計賊當退。

連破之。斬獲甚衆。賊由是敗散。詡乃占相地勢。築營壘

以貧民。開通水運。始到郡。穀石七。鹽石八。見戶萬三

千。視事三年。米石八十。鹽石四百。民增至四萬餘戶。人

足家給一郡遂安。

冬十一月地震。

郡國凡十。

丙辰三年春地震。

郡國凡十。

三月辛亥日食。

夏四月京師旱。

初聽大臣行三年喪。

舊制公卿二千石刺史不得行三年喪。司徒劉愷以爲

非所以師表百姓。宣美風俗。乃詔聽大臣行三年喪。

地震。

郡國凡九。

丁巳四年春二月乙巳朔日食。

武庫災。

夏四月策免司空袁敞

字叔平。敞自殺。

敞廉勁不阿權貴失鄧氏旨尚書郎張俊有私書與敞

子怨家封上之敞坐策免自殺

俊等下獄當死俊上書自訟臨刑太后詔以減

死論

五月以李邵

字孟節。漢中南鄭人。為司空。

邵初為郡戶曹

時竇憲納妻郡國皆有禮慶漢中亦當遣吏邵謂太守曰竇將軍椒房之親不

修德禮而專權驕恣危亡可翹足而待願明府一心王

室勿與交通太守固遣之邵不能止因請自行許之邵

遂所在遲留行至扶風而憲敗凡交尋辟孝廉屢遷至

太常及是代表敞為司空數陳得失有大臣節

居位四年免延

六月雨雹

凡三郡。

秋七月雨水。郡國凡十。

任尚募羌殺零昌。

先是任尚遣兵擊零昌殺其妻子。又遣羌榆鬼等刺殺

杜季貢。詔封榆鬼破羌侯。至是尚募効功種羌號封刺殺零昌。

封號封為羌王。尚復將兵與馬賢並進北地擊狼莫。零昌

謀主。大破之。于是西河虔人種羌萬人詣鄧遵降。隴右平。

地震。郡國凡十三。

戊午五年春旱。京師及郡國凡五。

秋八月丙申朔日食。

鄧遵募羌殺狼莫封遵為武陽侯。鄧騭傳作舞陽。徵任尚棄市。

自羌叛十餘年間軍旅之費凡用二百四十餘億死者

徵馬防而罪耿恭封鄧遵而戮任尚事同一轍何以任將

不可勝數。并涼二州。遂至虛耗。及零昌狼莫死。諸羌瓦解。三輔益州。無復寇警。詔封鄧遵爲武陽侯。遵以太后從弟。故爵封優大。任尚與遵爭功。檻車徵棄市。

地震。郡國凡十四。

己未六年春二月地震。京師及郡國凡四十二。

夏四月大風雨雹。沛國渤海。

五月京師旱。

冬十二月戊午朔日食既。

地震。郡國凡八。

益州夷降。

初越雋夷封離等反。永昌益州蜀郡夷皆叛應。封離衆

至十餘萬。破壞二十餘縣。殺長吏。焚掠百姓。益州刺史張喬遣從事楊竦將兵進擊。大破之。封離等乞降。竦厚加慰納。其餘三十六種皆來降附。竦因奏長吏姦猾。侵犯蠻夷者九十人。皆減死論。

庚申永寧元年春三月。北匈奴車師後王共殺漢吏。詔復置都護屯兵。

初。西域諸國既絕于漢。北匈奴復以兵威役屬之。與共

爲邊寇。敦煌太守曹宗患之。乃上遣行長史

上謂上奏遣行長史

之事也。

索班將千餘人屯伊吾。以招撫之。于是車師前王

及鄯善王復來降。至是。北匈奴率車師後王軍就共殺索班。擊走前王。畧有北道。曹宗請出兵擊匈奴以報之。

班勇所議乃能超留屯疏勒遺策然其時虛耗特甚勇說不難盡行雖後屯田柳中復通西域爲不出勇所料然河西被害實亦有

因復取西域公卿多以爲宜閉玉門關太后問軍司馬

班勇

字宜僚

有父風召問之

勇上議曰昔孝武皇帝開通西域論者以爲奪匈奴

府藏斷其右臂光武中興未遑外事故匈奴率諸國
河西城門晝閉孝明皇帝深維廟策命將出征然後匈奴遠遁邊境得安間者羌亂西域復絕北虜遂遣責諸國備其通租高其價值嚴以期會鄯善車師苦懷憤怨思樂事漢其路無從然今曹宗徒欲報雪匈奴而不尋出兵故事要功荒外萬無一成兵連禍結悔無所及況今府庫未充師無後繼臣愚以爲不可許也
復置營兵三百人及護西域副校尉遣長史將五百人屯樓蘭西當焉耆遮絕徑路南疆鄯善于寘心膽北并匈奴東近敦煌旣爲胡虜節度又禁漢人侵擾如此誠便公卿難曰前所以棄西域者以其無益而難供也今欲通之班將能保北虜不爲邊害乎勇對曰今置州牧以禁盜賊若州牧能保盜賊不起者臣亦願以腰斬保匈奴之不爲邊害也今通西域則虜勢必弱爲害微矣孰與歸其府藏續其斷臂哉若棄而不立則西域望絕屈就北虜恐河西城門必將復有書閉之敝矣今不廓開朝廷之德而損屯戍之費豈安邊久長之策哉
勇曰西域遣使求索無厭一旦爲匈奴所迫當復求

則爲役大矣。勇對曰：今設以西域歸匈奴，而使其恩德大漢，不爲鈔盜，則可矣。如其不然，則是富仇讐之財，增暴夷之勢。且西域來者，不過稟食，今若拒絕，勢歸北虜，夷虜并力，以寇并涼，則中國之費不止十億。置之誠便，于是從勇議，復營兵，置副校尉居敦煌。雖以羈縻西域，然亦未能出屯。其後匈奴果數與車師入寇，河西大被其害。

夏四月，立子保爲皇太子。

秋七月乙酉朔，日食。

大水。

郡國凡三十三。

冬十二月，以楊震

字伯起，弘農華陰人。

爲司徒。

震孤貧，好學，通達博覽。諸儒爲之語曰：關西孔子楊伯起。教授二十餘年，不答州郡禮命。衆人謂之晚暮，而震

志愈篤。

有冠雀銜三鱸魚。飛集講堂前。都講取魚進曰。蛇鱸者。卿大夫服之象也。數三者。法三台也。先生自此

升矣。鄧騭聞其賢而辟之。時震年已五十餘。累遷荆

州刺史。東萊太守。當之郡。道經昌邑。故所舉荊州茂才

王密爲令。夜懷金遺震。震曰。故人知君。君不知故人。何

也。密曰。暮夜無知者。震曰。天知。地知。我知。子知。何謂無

知者。密愧而出。已徵入爲太常。至是。代劉愷爲司徒。震性

公廉。子孫長疏食步行。故舊或欲令爲開產業。震曰。使後世稱爲清白吏子孫。以此遺之。不亦厚乎。

地震。

郡國凡三十三。

免越騎校尉鄧康官。遣就國。

康紹封夷安侯。

太后從兄康。以太后久臨朝政。宗門盛滿。數上書諫。言

甚切至。太后不從。康謝病不朝。太后使內侍者問之。時宮

婢出入。其者宿者。皆稱中大人。所使乃康家先婢。亦自道中大人。康怒詆之。婢恚怨。還白康詐疾。而言不遜。太后大怒。免康官。遣歸國。絕屬籍。

辛酉 建光元年春三月。皇太后鄧氏崩。諡和熹。合葬慎陵。封鄧騭為

上蔡侯。

太后自臨朝以來。水旱十載。四夷外侵。盜賊內起。每聞民饑。或達旦不寐。躬自減撤。以救災厄。故天下復平。歲

仍豐穰。

太后嘗徵濟北河門上子男女五歲以上四十餘人。及鄧氏近親子孫三十餘人。為開邸第。教

無毀無讐婦人之道。躬自減撤。以救災厄。豈女后之事耶。且前稱太后以鄧康數諫宗門滿盛大怒。免官。此又稱太后詔康等以貴戚食祿。而牆弗學為戒。記載家自相矛盾。至此何以傳信。

以經書。躬自監試。詔從兄豹。康等曰。末世貴戚食祿之家。溫衣美食。乘堅驅良。而面牆弗學。不識臧否。斯故禍敗所從來也。然帝已年長。久不還政。郎中杜根嘗上書言之。太后大怒。盛以縑囊撲殺之。載出城外。得蘇。逃竄為宜城山中酒家保。積十五年。平原成翊世亦坐諫太后不歸政。抵罪。至是尚書陳忠薦之。帝拜根侍御史。翊世尚書郎。杜根字伯堅。潁川定陵人。成翊世字季明。平原郡吏。陳忠字伯始。寵之子。宜城漢縣。今屬湖北襄

陽府。

追尊清河孝王曰孝德皇。妣曰孝德后。祖妣宋貴人曰敬隱后。

初。長樂太僕蔡倫。受竇后諷旨。誣陷宋貴人。帝敕使自致廷尉。倫飲藥死。

高句驪鮮卑寇遼東。太守蔡諷戰歿。

功曹掾龍端。兵馬掾公孫輔。以身扞諷。俱歿于陳。

尊母耿姬爲甘陵

後漢縣。爲清河孝王陵邑。晉以後廢。故城在今直隸廣平府清河縣。大貴

人。

詔舉有道之士。

尚書陳忠。以詔書旣開諫爭。慮言事者必多激切。致不

能容。乃上疏豫廣帝意。畧曰。臣聞仁君廣山藪之度。納切直之謀。忠臣盡蹇諤之節。不

畏逆耳之言。今明詔引咎克躬。諮訪羣吏。言者見杜根成翊世等。新蒙表錄。顯列二臺。必承風響。應爭爲切直。嘉謀異策。宜輒納用。如其管穴。妄有譏刺。雖苦口逆耳。不得事實。且優游寬容。以示聖朝無諱之美。管穴。謂

言事者所見不遠。大而言或妄誕也。書御進也。有詔拜有道高第士沛國

施延。字君子。爲侍中。

以薛包。字孟嘗。汝南人。爲侍中。不拜。

初。汝南薛包。少有至行。父娶後妻。而憎包。分出之。包曰。夜號泣不忍去。至被毆扑。不得

已。廬于外。旦入。灑掃。父怒。又逐之。乃廬于里門。皆晨不廢。積歲餘。父母慙而還之。及父母亡。弟子求分財異居。包不能止。乃中分其財。奴婢引其老者。田廬取其荒。帝頓者。器物取其朽敗者。弟子數破其產。輒復賑給。帝

聞其名。令公車特徵至。拜侍中。包以死自乞。有詔賜告歸。加禮如毛義。

徙封鄧騭爲羅

漢縣故城在今湖南長沙府湘陰縣

侯。遣就國。騭自殺。貶平

原王翼爲都鄉侯。

帝少號聰明。故鄧太后立之。及長。多不德。稍不可。太后

意。

太后徵濟北河間王子諡京師。以河間王子翼爲平

原懷王勝後留京師。帝乳母王聖慮有廢置常與中

黃門李閏江京侯伺左右。及太后崩。宮人有誣告太后

共毀短太后。帝每忿懼。兄弟悝。弘闡謀立平原王。帝怒。令有司奏悝等大逆無

道。遂廢其子西平侯廣宗等爲庶人。騭以不與謀。徙封

羅侯。遣就國。宗族免官歸故郡。沒入貲產。廣宗等皆自

殺。騭與子鳳皆不食而死。徵鄧康爲太僕。貶平原王翼

爲都鄉侯。遣歸河間。翼謝絕賓客。閉門自守。由是得免。

初鄧后之立也。三公欲共奏追封后父。訓司空陳寵以

無故事不從。故寵子忠不得志于鄧氏。數上疏陷成其

惡。大司農朱寵。痛鴈無罪。乃肉袒輿櫬上疏言。和嘉皇后聖善之德。為漢文母。兄弟忠孝。同心憂國。功成身退。讓國遜位。歷世外戚。無與為比。而利口傾險。反亂國家。遂令鴈等。罹此酷濫。逆天惑人。率土喪氣。宜收還冢次。寵樹遺孤。奉承血祀。以謝亡靈。因自致廷尉。忠復劾寵。免官。眾庶多為鴈稱枉者。帝意頗悟。乃還葬鴈等。從昆弟皆得歸京師。朱

寵。字仲威。杜陵人。

以耿寶

耿貴人兄。

監羽林車騎。封宋楊

宋貴人父。

四子。及宦者江京。

李閏。皆為列侯。

帝以耿貴人兄寶。監羽林車騎。宋氏封侯。為卿校侍中者十餘人。閏后兄弟顯。景耀並典禁兵。江京。李閏。皆封列侯。與中常侍樊豐。劉安。陳達。及乳母王聖。聖女伯榮。扇動內外。競為侈虐。出入宮掖。傳通姦賂。司徒楊震上疏曰。臣聞政以得賢為本。治以去穢為務。方今九德未

事。嬖倖充庭。王聖微賤。奉養聖躬。雖有推燥居濕之勤。前後賞惠。過報勞苦。而外交屬託。損辱清朝。宜速出阿母。令居外舍。斷絕伯榮。莫使往來。令恩德兩隆。上下俱

美。奏御。帝以示聖等。內倖皆懷忿恚。

伯榮驕淫尤甚。通于故朝陽侯劉護。

從兄瓌。瓌遂以爲妻。官至侍中。得襲護爵。震復上疏曰。經制父死。子繼。兄亡弟及。以防篡也。故朝陽侯劉護同產弟威。今猶見在。而以其再從兄瓌襲爵爲侯。且天子專封。封有功。諸侯專爵。爵有德。瓌無他功行。但以配阿母女。既位侍中。又至封侯。不稽舊制。不合經義。陛下宜鑒既往。順帝之則。尚書翟酺上疏曰。昔竇鄧之寵。傾動四方。兼官重祿。盈金積貨。及其破壞。頭顱墮地。願爲孤豚。豈可得哉。夫致貴無漸。失必暴。受爵非道。殃必疾。今外戚寵幸。未有等比。祿去公室。政移私門。覆車重尋。寧無摧折。昔文帝躬行節儉。有譏之者。帝曰。朕爲天下守財耳。豈得妄用之哉。今欲天下之財。積無功之家。帑藏單盡。民物彫傷。卒有不虞危亂。可待。願陛下勉求忠貞。誅遠佞。詔割情欲。罷私宴。心存亡國。所以失之。鑒觀興亡。所以待之。庶災害可息。豐年可招矣。書奏。皆不省。

翟酺字子超
廣漢雒人。

秋八月燒當羌麻奴入寇。馬賢追擊破之。

燒當羌忍良等以麻奴兄弟。本燒當世嫡。而校尉馬賢。

撫卹不至。常有怨心。遂寇湟中。攻金城諸縣。賢將先零。

種擊之。不利。麻奴等又敗武威。張掖郡兵于令居。因寇。

武威。賢追到鸞鳥。後漢縣。故城在今甘肅涼州府武威縣。招之。諸種降者。

數千。麻奴南還湟中。明年賢至湟中。麻奴出塞渡河。種衆散遁。麻奴等孤弱饑困。將種衆

三千餘戶。詣漢陽太守耿种降。

以劉愷爲太尉。

居延都尉范邠犯賊罪。吏議欲增錮二世。章懷注。謂父子俱禁錮。

劉愷以爲春秋之意。善善及子孫。惡惡止其身。所以進。

人于善也。以輕從重。懼及善人。非先王祥刑之意。詔從之。

鮮卑寇居庸關。

在今順天府昌平州。淮南子。天下九塞之一。

殺雲中太守。

鮮卑寇居庸關。雲中太守成嚴擊之。兵敗。功曹楊穆以

身捍嚴。與俱戰歿。

鮮卑既攻殺郡守。膽氣轉盛。控弦數萬騎。明年復寇雁門。定襄。遂攻太原。

掠殺百姓。

帝幸衛尉馮石府。留飲十日。

賞賜甚厚。拜其子世為黃門侍郎。世弟二人。皆為郎中。

石。陽邑侯魴之孫。父柱尚顯宗女獲嘉公主。石襲爵為獲嘉侯。能取悅當世。故為帝所寵。

雨水。

郡國凡二十七。

冬十一月地震。

郡國凡三十五。

復斷大臣行三年喪。

尚書令殺

丁外反。姓也。

諷等奏。孝文定約禮之制。光武絕告

寧

李斐曰。休謁之名。吉曰告。凶曰寧。

之典。貽則萬世。誠不可改。宜復斷

大臣行三年喪從之。

尚書陳忠上疏曰。高祖創制。大臣有寧告之科。建武之初。政趨簡易。

禮義之方。實為彫損。孟子曰。老吾老以及人之老。幼吾幼以及人之幼。天下可運于掌。臣欲陛下登高北望。以甘陵之思。揆度臣子之心。則海內咸得其所。時宦官不便之。竟寢忠奏。

御批歷代通鑑輯覽

卷之二十三

四

御批歷代通鑑輯覽卷之二十四

後漢

孝安皇帝

壬戌延光元年夏四月雨雹京師及郡國凡二十

遼東都尉龐奮承偽詔斬元菟太守姚光徵抵罪

元菟太守姚光幽州刺史馮煥巴郡宕渠人數糾發姦惡怨

者詐作璽書譴責煥光賜以歐刀刑人之刀又下龐奮使速

行刑奮卽斬光收煥煥欲自殺其子緄字鴻卿疑詔文有

異止之煥乃上書自訟徵奮抵罪

秋七月地震郡國凡十三

高句驪王遂成降

初。高句驪王宮。率馬韓濊貊。

注俱見前。

數千騎。圍元菟。夫餘。

今朝鮮東北境。古扶餘國地。通典扶餘國。後漢通焉。

王遣子尉仇台。將二萬餘人。

與州郡併力討破之。

事在建光元年。

已宮死。子遂成立。

時姚光為元菟

太守。上言。欲因其喪。發兵擊之。議者皆以為可。陳忠曰。官前桀黠。光不能討。死而擊之。非義也。宜遣使弔問。責讓前罪。赦不加誅。取其後善。帝從之。至是。遂成還漢生口。詣元菟降。其後

濊貊率服。東垂少事。

九月。地震。

郡國凡二十七。

雨水。

京師及郡國二十七。

遣宦者及乳母王聖女伯榮詣甘陵。

尙書僕射陳忠上疏曰。竊聞使者所過。威動郡縣。王侯二千石。至為伯榮獨拜車下。修道繕亭。徵役無度。賂遺

僕從人數百匹謂繅帛也伯榮之威重于陛下陛下之納在

于臣妾水災之發必起于此臣願明主嚴天元之尊正

乾剛之位不宜復令女使干錯萬幾書奏不省時機事

書而災變輒免三公又上疏曰漢典舊事丞相所請

靡有不聽今之三公雖常其名而無其實選舉誅賞一

由尚書近以災異切讓三公臣心常獨不安又尚書決

事多違故典罪法無例詆欺為先宜割而勿聽上順國

典下防威福置方圓于規矩審輕重于衡石誠國家之典萬世之法也

汝南黃憲字叔度汝南慎陽人卒

憲初舉孝廉又辟公府友人勸其仕憲亦不拒暫到京

師而還竟無所就年四十八終天下號曰徵君憲世貧賤父為

牛醫憲年十四潁川荀淑遇于逆旅竦然異之揖與語

移日不能去謂曰子吾之師表也前見袁閬未及勞問

逆曰子國有顏子寧識之乎閬曰見吾叔度邪同戴良才高倨傲而見憲未嘗不正容及歸罔然若有失也

史稱憲言論風旨無所表
見而見者稱其深遠夫既
無表見所謂深遠者安在
雖憲在當時不失為高蹈
然史論實發益虛聲著口
實當別白觀之

徐氏作金華

卷之二十一

其母問曰。汝復從牛醫兒來邪。對曰。良不見叔度。自以爲無不及。既覩其人。則瞻之在前。忽然在後。固難得而測矣。陳蕃。周舉。常相謂曰。時月之間。不見黃生。則鄙吝之萌。復存乎心矣。太原郭泰。少游汝南。過袁閭。不宿而退。從憲累日。乃還。或問之。泰曰。奉高之器。譬諸沈澁。雖清而易挹。叔度汪汪。若千頃陂。澄之不清。滄之不濁。不可量也。荀淑。字季和。潁川潁陰人。袁閭字奉高。汝南人。戴良。字叔鸞。潁陽人。陳蕃。字仲舉。平輿人。周舉。字宣光。汝陽人。郭泰。字林宗。太原介休人。

癸亥二年夏四月。封王聖爲野王君。

以班勇爲西域長史。將兵屯柳中。

注見前

北匈奴連與車師寇河西。議者欲復閉玉門陽關。以絕

其患。敦煌太守張璠上書陳三策。

畧曰。北虜呼衍王。常展轉蒲類秦海之間。

專制西域。共爲寇鈔。今以酒泉屬國。更士二千餘人。集昆侖塞。先擊呼衍。絕其根本。因發鄯善兵五千人。脇車師後部。此上計也。若不能出兵。置軍司馬將士五百人。四郡供其犁牛穀食。出據柳中。此中計也。如又不能。則

宜棄交河城。收鄯善等。悉使人塞。此下計也。蒲類國名。今巴里坤城。其東部也。城西北有池。即古蒲類海。唐人亦名婆悉海。秦海。章懷注。大秦國在海西。故云。交河故城。在今土魯番城西。漢車師前王庭地。唐于此置縣。屬西州。朝廷下其議。陳忠請于敦煌。復置校尉。增四郡屯兵。以撫諸國。于是復以班勇為西域長史。將兵五百人出屯柳中。

秋七月。丹陽山崩。此丹陽。今寧國府是。

九月。雨水。郡國凡五。

以楊震為太尉。

耿寶薦李閏兄于震曰。李常侍國家所重。欲令公辟其兄。寶惟傳上意耳。震曰。如此。則宜有尚書勅。寶大恨而去。閏顯亦薦所親。震又不從。司空劉授聞之。即辟此時二人。由是震益見怨。

詔使者大爲王聖修第。樊豐、周廣、謝暉等傾搖朝廷。震上疏曰：「方今災患滋甚，百姓空虛，三邊震擾，帑藏匱乏，而爲阿母起第，爲費巨億。廣、暉兄弟依倚近倖，與之分威屬託州郡，傾動大臣，招徠貪汙之人，受其貨賂，復得顯用，白黑溷淆，天下譴譁。臣聞師言：『上之所取，財盡則怨；力盡則叛。』怨叛之人，不可復使。惟陛下度之，上不聽。」

冬十二月地震。

京師及郡國三。

聘處士周燮。

字彥祖，汝南安成人。

馮良。

字君郎，南陽人。

不至。

陳忠薦汝南周燮、南陽馮良，學行深純，隱居不仕。帝以

羔幣聘之。

燮宗族勸之曰：『夫修德立行，所以爲國君獨何爲守東岡之坡乎？』燮曰：『夫修道者，度時而

動勤而不時，焉得亨乎？

燮與良皆自載至近縣，稱病而還。

甲子三年春正月。班勇擊走匈奴。車師者西域復通。

班勇至樓蘭。以鄯善歸附。特加三綬。龜茲王白英猶自

疑未下。勇開以恩信。乃率姑墨溫宿。自縛詣勇。因發其

兵。到車師前王庭。擊走匈奴于伊和谷。于是前部始復

開通。還屯田柳中。

後勇擊斬車師後王軍就。及匈奴使者傳首京師。事在四年。

二月。帝東巡。三月。還。未入宮。策收太尉震印綬。遣歸故郡。

震自殺。

樊豐等見楊震連諫不從。無所顧忌。遂詐作詔書。調發

司農錢穀。大匠見徒。

見形。匈奴反。徒供徭役者。

材木。各起冢舍園池。

震復上疏。

畧曰。臣備台輔。不能調和陰陽。去年十二月四日。京師地動。其日戊辰。三者皆土。位在中

宮。此中臣近官。持權用事之象也。陛下以邊境未寧。躬自菲薄。宮殿垣屋傾倚。枝柱而已。而親近倖臣。驕溢踰

胡寅以楊震自取殺身不
處不能決去其說非是明
哲保身在小臣不預國政
者或以藉口震即欲去亦
當在未為太尉時否則國
之三公猶不知蹇蹇匪躬
之義可乎故謂震不能有
耳變之才則可謂震不能
有引身之智則不可

後漢書

卷之二十四

四

法惟陛下奮乾剛之德棄
驕奢之臣以承皇天之戒
所言轉切帝既不平而豐等

憤怒會河間男子趙騰上書指陳得失帝發怒欲誅騰

騰命以誘芻蕘輿人之言帝不聽竟殺之及帝東巡太尉部掾高舒得豐等

所詐下詔書具奏須行還上之豐等惶怖會太史言星

變逆行遂共譖震云自趙騰死後深懷怨懟且鄧氏故

吏有恚恨心帝然之及還京師便臨太學即其夜遣使

者策收震太尉印綬震于是柴門柴塞其門也絕賓客豐等

復惡鳥路反之令耿寶奏震恚望有詔遣歸故郡震行至城西夕

陽亭乃慷慨謂其諸子門人曰死者士之常分吾蒙恩

居上司疾奸臣狡猾而不能誅惡嬖女傾亂而不能禁

何面目復見日月身死之日以雅木為棺因飲酖而卒
布單被裁足蓋形勿歸冢次勿設祭祀
引農太守移良承樊豐等上遣吏于陝縣留停震喪
棺道側謫震諸子代郵行書道路皆為隕涕移如齊

公子雍食邑千移其後因以為氏代郵行書代驛吏傳行文書也

夏四月。閬中秦縣今為四山崩川保寧府治

以耿寶為大將軍。

秋九月。廢太子保為濟陰王。

王聖江京樊豐等譖太子乳母王男厨監主飲食者邴吉等。

殺之。太子歎息。京豐懼。乃與閭后讒太子。帝怒。召公卿

議廢太子。耿寶等皆以為當廢。太僕來歷字伯珍與太

常桓焉。字叔元。榮之孫。廷尉張皓字叔明。犍為武陽人。留侯良之後。議曰。經說

年未滿十五。過惡不在其身。且男吉之謀。皇太子容有

不知。宜選忠良保傅。輔以禮義。廢置事重。此誠聖恩所

宜宿留。不從。遂廢太子為濟陰王。居德陽殿。西鐘下。來歷

乃要結光祿勳祿諷宗正劉偉將作大匠薛皓侍中問
邱弘陳光趙代施延大中大夫朱偃等十餘人俱詣鴻
都門證太子無過帝使中常侍詔曰父子一體天性自
然以義割恩為天下也歷諷等不識大典而共為讎讐
外見忠直而內希後福朝廷廣開言路故且一切假貸
若懷迷不決當顯明刑書皓先頓首曰固宜如明詔歷
怫然庭詰皓曰屬通諫何言而今復背之大臣處國事
固得輾轉若此乎乃各稍自引起歷獨守闕連日不肯
去尚書令陳忠劾奏歷等乃免歷兄弟官削國租黜歷
母武安公主不得令見德陽殿章懷注在北宮掖庭
中西鐘下西廂下懸鐘之所也鴻都門
北宮門名間邱複姓左傳齊有間邱嬰

庚申晦日食

地震

京師及諸郡國凡二十三

大水雨雹

郡國凡二十六

乙丑四年春二月帝如宛

三月戊午朔日食

帝崩于葉

注見前

還宮發喪

帝崩于乘輿。年三十二。皇后與閻顯兄弟江京樊豐等謀以

濟陰王在內。恐公卿立之。乃偽云帝疾甚。徙御卧車。所

上食問起。馳歸。四日至洛陽。居如故。

尊皇后曰皇太后。太后臨朝。以閻顯為車騎將軍。儀同三司。迎北鄉侯懿入即位。

太后欲久專國政。貪立幼年。與顯等定策。迎濟北惠王

名壽。字章。子北鄉濟北國邑。侯懿為嗣。濟陰王以廢黜。不得上

殿親臨梓宮。悲號不食。羣僚莫不哀之。

樊豐等下獄死。耿寶白殺王聖。伯榮徙鴈門。

閻顯忌樊豐。耿寶。風有司奏貶寶為亭侯。遣就國。寶自

殺。豐及謝憚周廣下獄死。聖母子徙鴈門。于是顯以弟

從打原在通鑑重覽

景為衛尉。躍為城門校尉。晏為執金吾。並處權要。威福

自由。

葬恭陵。

在洛陽縣東南。

賀善贊曰。安帝即位。所書羌夷盜賊災變。世道可知。徒聞狎侯臣。厚保母。疾忠賢。望其弭災靖亂。尚可得乎。

冬十月。越雋山崩。

北鄉侯薨。

尹起莘發明。北鄉侯已即位而不書崩。不成乎君也。不成乎君而書薨。既臨大位。異乎羣臣也。

閭顯白太后。秘不發喪。更徵諸王子。閉宮門。屯兵自守。

十一月。地震。

京師及郡國凡十六。

中黃門孫程。

涿郡新城人。

等迎濟陰王保入即位。

是為孝順帝。誅閭

顯等。遷太后于離宮。封宦者孫程等十九人為列侯。

初。北鄉侯病篤。孫程等十九人

孫程王康。王國。與中黃門黃龍。彭越。孟叔。李建。

鄭眾孫程並以閹人定策封爵。漢書曰。替此一大關。健黃門之禍。何待後日始

見耶。

王成。張賢。史汎。馬國。王道。李元。楊佺。陳子。謀立濟陰王。
趙封李剛。魏猛。苗光等。皆截單衣為誓。

至是夜入省門。遇江京。劉安。陳達。斬之。以李閏積為省

內所服。脇與俱迎濟陰王。即皇帝位。時年十一。召尚書令以

下。從輦幸南宮。登雲臺。召公卿百寮。使虎賁羽林士屯

南北宮諸門。閭顯時在禁中。憂迫不知所為。小黃門樊

屯平朔門。且授之印曰。能得濟陰王者。封萬戶侯。詩許

諾。辭以兵少。顯使與樊登。迎吏士于門外。詩因格殺登。

歸營屯守。顯弟景。還外府收兵。孫程傳。明日遣使者入

召諸尚書。使收景送廷尉獄。即夜死。省。奪得璽綬。乃收顯及其弟耀。晏誅之家屬。皆徙比景。

後漢縣。屬日南郡。遷太后于離宮。又明日開門。罷屯兵。封程等

皆為列侯。是為十九侯。擢程為騎都尉。詔以將作大匠

諷。問邱宏等。先卒。皆拜其子為郎。朱倕。施延。陳光。趙代。

皆見拔用。後至公卿。徵王男。邴吉家屬。還京師。厚加賞

賜初。閭顯辟崔瑗為吏。瑗以北鄉立不以正。知顯將敗。欲說令收江京。廢少帝而立濟陰王。而顯日沈醉。不得見。乃告長吏陳禪。欲與共求見言之。禪猶豫未聽從。會顯敗。瑗坐斥。門人蘇祇欲上書言狀。瑗遽止之。禪謂曰。第聽祇上書。禪請為證。瑗曰。此譬猶兒妾屏語耳。願勿復出口。遂辭歸。不復應州郡命。崔瑗字子玉。涿郡安平人。駟之子。

葬北鄉侯。

以諸王禮。

改葬故太尉楊震祠以中牢。

楊震門生虞放。陳翼詣闕追訟震事。詔除震二子為郎。

贈錢百萬。以禮改葬于華陰潼亭。

震墓在今陝西潼關西。大道北。遠近

畢至。

有大鳥高丈餘。集震喪前。俯仰悲鳴。葬畢乃飛去。郡以狀上。帝感震忠直。復以中牢具祠之。時人立

石圖鳥象于墓所。

孝順皇帝

丙寅永建元年春正月帝朝太后于東宮

初議郎陳禪以爲閹太后與帝無母子恩宜徙別館絕

朝見周舉謂司徒李郃

延光四年爲司徒

曰瞽瞍常欲殺舜舜

事之逾謹鄭莊公秦始皇

事具見前

怨母隔絕後感賴考叔

茅焦之言復修子道書傳美之今諸閹新誅太后幽在

離宮若悲愁生疾一旦不虞主上將何以令于天下如

從禪議後世歸咎明公宜密表率羣臣朝覲以厭天心

以答人望郃卽上疏帝從之太后意乃安

皇太后閹氏崩

合葬恭陵

隴西鍾羌反馬賢擊破之

賢將七千餘人戰于臨洮。斬千餘級。羌請率種人降。進封賢都鄉侯。自是涼州無事。

秋八月。下司隸校尉虞詡獄。尋赦出之。以爲尙書僕射。左

雄

字伯豪。南郡涅陽人。

爲尙書。

司隸校尉虞詡到官數月。奏太傅馮石。太尉劉熹。阿黨權貴。免之。又劾中常侍程璜。陳秉。孟生。李閏等。百官側目。三公劾奏詡。盛夏多拘繫無辜。爲吏民患。詡上書自訟曰。法禁者。俗之隄防。刑罰者。民之銜轡。臣所發舉。賊罪非一。三府恐爲臣所奏。遂加誣罪。臣將從史魚死。卽以尸諫耳。韓詩外傳。史魚將死。謂其子曰。我言蘧伯玉于室足矣。子以父言聞之。君立召伯玉而貴之。子瑕而退之。又案中常侍張防。屢寢

不報。詔不勝憤，乃自繫廷尉。奏言曰：昔樊豐幾亡社稷，

事見前。今張防復弄威柄，臣不忍與防同朝，謹自繫以聞。

書奏，坐論輸左校。防必欲害之。二日之中，傳考四獄。孫

程、張賢等乞見曰：虞詡盡忠，更被拘繫。張防贓罪，明正

反，搆忠良。今客星守羽林。古今注曰：二月甲午，客星入太微，李邵上書曰：乃三月

日有客星，氣象彗孛，歷天市，度河，招搖，倉梧，十六日入紫宮，迫北辰，十七日復過文昌，泰陵，天船，積水間，稍微

不見，如占，恐復有居。其占宮中有奸臣，宜急收防送獄。

帝旁耗亂政事者。以塞天變。時防在帝後，程叱防下殿，奏曰：陛下急收防。

無令從阿母。帝乳母宋娥。求請。帝問諸尚書，賈朗素與防善。

證詡之罪。帝疑。于是詡子顗與門生百餘人，候中常侍

高梵車，訴言枉狀。梵入言之。防坐徙邊，即赦出詡，徵拜

周舉說朱伥以功臣大德
不可忘者實稼人也則時
推舉為忠順者亦可見矣

議郎數日遷僕射。詔上疏曰：方今公卿以下，類多拱默，以樹恩為賢，盡節為愚。伏見議郎左雄有王臣蹇蹇之節，宜擢在喉舌之官，必有匡弼之益。由是拜雄尚書。遣孫程等十九侯就國。

程等坐懷表上殿爭功，徙封遠縣。

程徙封宜城侯。

因遣十九侯

就國。促期發遣司徒掾周舉，謂司徒朱伥。

字孫卿，壽春人。是年二月。

李郃免。

曰：朝廷非程等不立。今忘大德，錄小過，如道路

天折，使上有殺功臣名，宜急表之。伥乃諫，帝從之。復故

爵土。

三年召程還京師。陽嘉元年卒。

丁卯二年夏六月，追尊母李氏為恭愍皇后。

初，帝母李氏為閹太后所害。

事見前。

瘞洛陽城北，至是左

右白之。帝發哀，親到瘞所，更以禮殯恭陵。

遣敦煌太守張朗與班勇擊焉耆，降之，徵勇下獄免。

先是，班勇誅斬東且彌。

西域圖去洛陽九十二百五十里。

王更立其種

人為王。又發諸國兵擊匈奴呼衍王。呼衍王亡走，徙居

枯梧河上。西域皆服，惟焉耆王元孟未降。勇請攻之。于

是遣朗將河西四郡兵與勇兩道擊之。朗先有罪，欲邀

功自贖，遂先期至爵離。

釋氏西域記龜茲國北山上有寺名雀離。

關元孟乞

降，朗入受降而還。勇以後期徵下獄免。

後卒于家。朗亦免官。

秋七月甲戌朔日食。

以許敬

字鴻卿平輿人。

為司徒。

朱張罷敬代。

敬仕于安和之間，當竇鄧閭氏之盛，無所屈撓。三家既

自古求才必先行實豈有因其虛名相尙遽以高爵收之者東漢自嚴光後卿相無識競以隱逸爲高釣名倖進者得因而中之范史於樊英入方技不入隱逸殊爲有見

敗士大夫多染汙者獨不及敬當世以此重之。

聘樊英

字季齊南陽魯陽人

爲五官中郎將。

英善星算推步災異隱于壺山

章懷注山在鄧州新城縣卽張衡南都賦所云

天封大狐是也

之陽州郡禮請公卿舉賢良有道皆不行安帝

初徵爲博士建光元年與孔喬

字子松宛人

李昺

字子然鄧人

郎

宗

字仲緩安邱人

楊倫

字仲理東昏人

王輔

字公助安陸人

等同徵不赴至是

帝復以策書元纁備禮徵之英固辭疾篤不聽英不得

已到京稱疾彊輿入殿猶不能屈乃設壇席賜几杖待

以師傅之禮延問得失拜五官中郎將數月英稱疾篤

詔以爲光祿大夫賜告歸令所在送穀以歲時致牛酒

英初被詔命衆皆以爲必下降志及後就聘應對無奇

謀深策。談者失望。

以處士楊厚。

字仲宣。廣漢新都人。

黃瓊。

字世英。香之子。

為議郎。

時又徵楊厚。黃瓊厚至。豫陳漢有三百五十年之厄。以

為戒。拜議郎。瓊將至。李固。

字子堅。郃之子。

以書遺之。曰。語云。曉

曉者。易缺。皦皦者。易汙。盛名之下。其實難副。是故俗論

皆言處士純盜虛聲。願先生宏此遠謨。令眾人歎服。一

雪此言耳。瓊至。亦拜議郎。稍遷尚書僕射。數上書言事。

帝頗採用之。

固少好學。以父郃為司徒。因改姓名。杖策驅驢。負笈從師。不遠千里。每到太學。密入

公府。定省。不令同業諸生。知其為郃子也。

戊辰三年春正月。京師地震。漢陽地陷裂。

己巳四年春正月。帝冠。

夏五月桂陽獻大珠還之。

詔曰海內頗有災異朝廷修政減膳珍玩不御而桂陽太守文龔遠獻大珠以求幸媚今以還之。

秋九月詔復安定北地上郡。

安帝永初五年徙至是復

鄭吉屯渠犂班超屯疏勒皆出塞二千里是繕邊防正以衛內地豈有三郡逼近西京轉可移民避寇者况郡縣既空適足逞戎馬之足直損益耳

虞詡言安定北地上郡山川險阨沃野千里土宜畜牧水可漑漕頃遭羌亂郡縣兵荒二十餘年矣棄沃壤之饒捐自然之財不可謂利離河山之阻守無險之處難以爲固今三郡未復園陵單外言無蔽障宜開聖聽考行所長從之使謁者督徙者各歸本縣繕城郭置候驛又浚渠屯田省費歲一億計遂令諸郡儲粟周數年。

辛未六年春二月以沈景

吳郡人爲河間相。

河間王政。

章帝子開。封河間王。開卒。子政嗣。

傲很。不奉法。帝以侍御史

沈景彊能。擢爲河間相。景到國。謁王。王不正服。箕踞殿

上。侍郎贊拜。景峙不爲禮。問王所在。虎賁曰。是非王邪。

景曰。王不正服。常人何別。今相謁王。豈謁無禮者邪。王慙而更服。景然後拜出。請王傅責之曰。前發京師。陛見受詔。以王不恭。使相檢督。諸君空受爵祿。曾無訓導之義。因捕諸奸人。奏按其罪。出冤獄百餘人。政遂改節。悔過自修。

三月。復置伊吾司馬開屯田。

帝以伊吾膏腴。傍近西域。匈奴資之以爲鈔暴。復令開設屯田。置司馬一人。

秋九月起太學。

初安帝薄于藝文。博士不復講習。朋徒怠散。學舍頽敝。鞠爲蔬園。將作大匠翟酺請更修繕。誘進後學。左雄亦以爲言。帝從之。凡造二百四十房。千八百五十室。

壬申陽嘉元年春正月立貴人梁氏。名嬀。乘氏侯商次女。恭懷皇后弟雍之孫。爲后。

帝欲立后而貴人有寵者四人莫知所建。僕射胡廣字伯始。南郡

華容人。等上疏曰。岐嶷形于自然。倪天必有異表。宜參

良家。簡求有德。德同以年。年鈞以貌。稽之典經。斷之聖慮。帝從之。后少好史書。選爲貴人。常特被引御。從容辭

曰。夫陽以博施爲德。陰以不專爲義。願陛下思雲雨之

均澤小妾得免于罪。帝由是賢之。立以為后。

夏四月。以后父商字伯夏為執金吾。

立孝廉限年課試法。

尚書令左雄上言。孔子曰。四十不惑。禮稱強仕。請自今

孝廉年不滿四十。不得察舉。諸生試家法。章懷注。儒有

稱家法。文吏課箋奏。乃得應選。若有茂才異行。如顏淵。子

奇。劉向新序。子奇。齊人。年十八。齊君使主東阿。阿縣大化。自可不拘年齒。帝從之。

時廣陵所舉孝廉徐淑。年未四十。臺郎詰之。對曰。詔書

有如顏淵。子奇不拘年齒。故本郡以臣充選。郎不能屈

雄詰之曰。昔顏淵聞一知十。孝廉雄公直精明。能審覈

聞一知幾邪。淑無以對。乃罷却之。真偽。決志行之。濟陰太守胡廣。先是廣駁雄所奏。乞宣

從雄奏。出等十餘人。皆坐謬舉免黜。惟陳蕃李膺。字元禮。潁

川襄城人陳球字伯真下等三十餘人得拜郎中自是牧守

畏慄莫敢輕舉察選清平多得其人雄又上疏曰寧民

賢之道必在考黜吏數變易則下不安業久于其事則

民服教化今典城百里轉動無常謂聚斂整辦為賢能

以治已安民為劣弱監司項背相望見非不舉聞惡不

察言善不稱德論功不據實虛誕者獲譽拘檢者離毀

臣愚以為守相長吏有顯效者可就增秩勿移徙其鄉

部親民之吏皆用儒生清白任從政者吏職滿歲乃得

辟舉如此虛僞之端絕迎送之役省民各寧

其所矣帝悉從之而宦者不便終不能行

癸酉二年春正月徵郎顗郎氏魯懿公孫費伯城郎因居之
為郎中不就

上召郎顗問以災異顗因條便宜七事一園陵火災神

官府歲時未積便更修造顗校計繕之費示念百姓之

勞罷將作之官二今三公皆令色足恭外厲內住無佐

國之實宜采納良臣以助聖化三今年春旱夏水宜務

節約四去年熒惑出入軒轅宜簡出宮女五去冬有白

氣從西方天苑。趨參左入玉井。恐有羌寇。宜爲備禦。六
恭陵火災。主名未立。多所收捕。備經考毒。宜恭已內省。
凡諸考案。並須立秋。司徒居位。陰陽多謬。異人同否。宜
黜司徒。以應天意。七。漢興以來。三百二十九歲。于特三
期。宜大蠲法令。去奢就儉。除煩爲簡。舉方正。徵有道。開
不諱之路。園陵火災。陽嘉元年。恭陵百丈廡災。軒轅
十二星。后妃所居。天苑。注。復上書薦黃瓊。李固。又言。自
見前。玉井。參星下四小星。冬涉春。訖無嘉澤。朝廷勞心。廣爲禱祈。臣聞皇天感物。
不爲僞動。災變應人。要在責已。若令雨可請降。水可禳
止。則太平可待。然而災害不息者。患不在此也。書奏。特
拜郎中。辭病不就。

封乳母宋娥爲山陽君。

帝之立也。娥與其謀。故封之。又封梁商子冀爲襄邑侯。
左雄上書諫曰。臣案尚書故事。無乳母爵邑之制。惟先

帝時。王聖爲野王君。聖造讒賊廢立之禍。生爲天下所咀嚼。死爲海內所懽快。臣請歲以錢千萬給阿母。內可以盡恩愛之歡。外可以不爲吏民所怪。梁冀之封。事非機急。宜過災厄之運。然後平議可否。于是商讓還冀封。

夏四月。京師地震。詔公卿直言。舉敦樸之士。

左雄復上疏曰。先帝封野王君。漢陽地震。今封山陽君。京城復震。專政在陰。其災尤大。臣前後瞽言。封爵至重。冀已高讓。山陽君亦宜崇其本節。雄言切至。娥亦畏懼。辭讓而帝卒封之。

是時大司農劉據以職事被譴。召詣

卿大臣。行有佩玉之節。孝明皇帝始有撲罰非古典也。帝納之。

京師地坼。詔引敦樸士對策。

洛陽宣德亭地坼八十五丈帝引公卿所舉士對策李

固

衛尉賈建舉固

對曰漢興三百餘年豈無阿乳之恩然上畏

天威俯案經典知義不可故不封也今宋阿母雖有功勤但加賞賜足酬其勞裂土開國實乖舊典梁氏子弟榮顯兼加永平建初故事殆不如此宜令還居黃門之官使權去外戚政歸國家又詔書所以禁侍中尙書中臣子弟不得爲吏察孝廉者以其秉威權容請託故也而中常侍在日月之側聲勢震天下子弟祿仕曾無限極諂僞之徒望風進舉今可爲設常禁同之中臣尙書爲陛下喉舌出納王命權尊勢重宜擇其人以毗聖政刺史二千石外統職事內受法則夫表曲者影必邪源

清者流必潔。由此言之。本朝號令。豈可蹉跌。又宜罷退宦官。去其權重。裁置常侍二人。方直有德者。省事左右。

小黃門五人。才智閑雅者。給事殿中。如此。則論者厭塞。

昇平可致也。時馬融字季長。扶風茂陵人。張衡字平子。南陽西鄂人。皆對策。

上以固為第一。即出阿母還舍。諸常侍叩頭謝罪。朝廷

肅然。以固為議郎。而阿母宦者皆疾之。詐為飛章以陷

其罪。大司農黃尚字伯河。南郡人。僕射黃瓊救之。久乃

得釋。出為雒令。棄官居漢中。阿母後竟坐構奸誣罔。收

印綬。還里舍。衡善機巧。尤致思于天文。陰陽歷算。為太史令。作渾天儀。著靈憲。造候風地動儀。時

皆服其妙。胡三省注。蔡邕曰。言天體者三家。一口周

髀。二曰宣夜。三曰渾天。惟渾天者。近得其情。今史官所用。候臺銅儀。則其法也。衡靈憲序曰。在昔先王。將步天路。用定靈軌。尋緒本原。先準之于渾體。是為正儀。故靈

憲作興。又衡本傳。候風地動儀。以精銅鑄成。圓徑八尺。合蓋隆起。形似酒樽。中有都柱。旁行八道。外有八龍。首銜銅丸。下有蟾蜍。張口承之。如有地動。則龍機發。吐丸而蟾蜍銜之。振聲激響。雖一龍發機。而七首不動。尋其方。乃知震之所在。書典所紀。未之有也。

秋七月。大尉龐參免。

參在三公中。最名忠直。數為左右所毀。司隸乘風案之。

段恭

廣漢上計掾

上疏曰。太尉參極忠盡節。不能曲心。孤立

羣邪之間。自處中傷之地。夫以讒佞傷毀忠正。此天地之大禁。人主之至誠也。國以賢治。君以忠安。願卒寵任。以安社稷。書奏。詔遣小黃門視參疾。致羊酒。會參夫人疾。前妻子殺之。雒陽令奏參罪。竟以災異免。

甲戌三年。夏五月。旱。

印七采人自監書

卷之二十四

後漢順皇帝

六

時春夏連旱。上露坐德陽殿東廂。請雨。問消變之術。周舉對曰。陰陽閉隔。則水旱成災。宜推信革政。崇道變惑。出後宮。不御之女。除大官重膳之費。慎官人。去貪佞。帝曰。貪佞者爲誰。對曰。公卿大夫。數有直言者。忠正也。阿諛苟容者。佞邪也。張衡亦曰。前年京師地震。土裂。裂者威分。震者民擾也。願陛下稽古率舊。勿令刑德八柄。不由天子。然後神望允塞。災消不至矣。

乙亥

四年春二月。初聽中官得以養子襲爵。

御史張綱

字文紀。皓之子。

上書曰。竊尋文明二帝。德化尤甚。中

官常侍。不過兩人。近幸賞賜。裁滿數金。惜費重民。故家給人足。而頃者無功小人。皆有官爵。非所以愛民重器。

承天順道也。書奏不省。

以后父商爲大將軍。

商稱疾不起。且一年。帝使太常桓焉奉策就第。卽拜商。

乃詣闕受命。商少通經傳。謙恭好士。辟巨覽。漢陽人。陳龜。

字叔珍。上黨泫氏人。爲掾屬。周舉。李固。爲從事中郎。固以商和柔。

自守。不能有所整裁。乃奏記曰。數年以來。災怪屢見。天

道無親。可爲祇畏。誠令王綱一整。道行忠立。明公踵伯

成之高。莊子天地篇。堯治天下。伯成子高。立爲諸侯。堯授舜。舜授禹。伯成子高。辭爲諸侯而耕。全

不朽之譽。豈與外戚凡輩。耽榮好位者。同日而論哉。商

不能用。

秋。閏八月。丁亥朔。日食。

冬十二月京師地震

丙子

永和元年冬十二月以王龔

字伯宗山陽高平人爲太尉

龔深疾宦官擅權上書極言其狀諸黃門使客誣奏龔罪帝命龔亟自實李固奏記于梁商曰王公以堅貞之操橫爲讒佞所構衆人聞知莫不歎慄夫三公尊重無詣理訴寃之義王公卒有他變則朝廷獲害賢之名羣臣無救護之節矣語云善人在患饑不及餐斯其時也商卽言之事乃得釋

以后兄龔爲河南尹

龔嗜酒佚遊居職縱暴商客呂放以告商讓之龔遣人殺放而恐商知之乃推疑放之怨仇請以放弟禹爲洛

陽令使捕之。盡滅其宗親賓客百餘人。

武陵蠻反

初武陵太守言蠻夷率服。可增租賦。虞詡曰。自古聖王。不臣異俗。先帝舊典。貢稅多少。所由來久矣。今猥增之。必有怨叛。計其所得。不償所費。帝不從。至是蠻果爭貢。布非舊約。遂殺鄉吏。舉種反。明年春。以李進爲武陵太守。討平之。進簡選良吏。撫循蠻夷。郡境遂安。

丁丑二年夏四月地震。

冬十月帝如長安。徵處士法真。

字高卿。雄之子。不至。

真博通內外學。爲關西大儒。會帝西巡。田羽薦之。前後四徵。終不降屈。友人郭正稱之曰。法真名可得聞。身難

百世師非聖人不足當之
卽大儒通內外學亦難語
此況未既其實寧可闕不

可見是仍虛譽相高耳上
以參承下以名應時政可
知

得而見。可謂百世之師矣。

十一月。京師地震。

十二月。帝還宮。

戊寅三年。春。二月。京師地震。金城隴西山崩。

夏閏四月。京師地震。

以祝良

字邵卿長沙臨湘人

為九真太守。張喬

南陽人

為交趾刺史。招

降蠻寇。嶺外悉平。

先是。象林蠻區

姓也。豈俱反。又烏侯反。

憐等。攻縣寺。殺長吏。交趾

刺史樊演。發交趾九真兵萬餘人救之。兵士憚遠役。反

攻其府。府雖擊破反者。而蠻勢轉盛。侍御史賈昌討之。

歲餘不克。

事在二年。

百官皆議遣大將發荆揚充。豫四萬人

赴之。李固駁其七不可。而請任祝良。張喬。固曰。荆陽盜賊。磐結不散。

長沙。桂陽。數被徵發。如復擾動。不可一也。兗。豫之人。遠

赴萬里。詔書迫促。必致叛亡。不可二也。南州溫暑。加有

瘴氣。致死亡者。十必四五。不可三也。遠涉萬里。士卒疲

勞。比至嶺南。不堪復鬪。不可四也。軍行日三十里。而充

豫去日南九千餘里。三百日乃到。計人稟五升。用米六

十萬斛。尚不計將吏驢馬之食。致費若此。不可五也。設

使軍到。死亡者衆。不足禦敵。當復更發。不可六也。九真

日南。相去千里。發其吏民。猶尚不堪。何況苦四州之卒

赴萬里哉。不可七也。前中郎將尹就討益州。反羌益州

諺曰。虜來尚可。尹來殺我。後就徵還。以兵付刺史張喬

喬因其將吏。旬月之間。破殄寇虜。此發將無益。州郡可

任之驗也。宜更選有勇畧仁惠。任將帥者。以爲刺史太

守。徙日南吏民。北依交趾。還募蠻夷。使自相攻。轉輸金

帛。以爲其資。有能反間。致頭首者。許以封侯。裂土之賞

故并州刺史祝良。性多勇決。張四府悉從固議。卽拜良

爲九真太守。喬爲交趾刺史。喬至。開示慰誘。並皆降散。

良到九真。單車入賊中。設方略。招以威信。降者數萬人。

嶺外復平。

詔舉武猛任將帥者。

初。左雄薦周舉爲尚書。至是。雄爲司隸校尉。舉馮直

故冀

州刺史任將帥。直嘗坐贓罪。舉以此劾雄。雄曰。進君適所

以自伐也。舉曰。昔趙宣子任韓厥爲司馬。而厥戮其僕。

宣子謂諸大夫曰。可賀我矣。

事見晉語

今君不以舉之不才。

誤升諸朝。不敢阿君以爲君羞。不寤君之意。與宣子殊

也。雄悅。謝曰。是吾過也。天下益以此賢之。時宦者競賣

恩勢。惟大長秋良賀。

春秋鄭穆公子子良。後以字爲氏。

清儉退厚。無所

薦舉。帝問其故。對曰。臣生自草茅。長于宮禁。旣無知人

之明。又未嘗知交士類。昔衛鞅因景監以見。有識者知

其不終今得臣舉者。罷榮伊辱。是以不敢。

冬十二月戊戌朔日食。

己卯四年春正月。中常侍張達等伏誅。

梁商以黃門曹節

南陽新野人。

等用事。遣子冀及不疑與交。

達等忌其寵。反共譖商。及曹騰

沛國譙人。

孟賁。圖廢立。帝曰。

必無是。但汝曹共妬之耳。達懼。矯詔收縛騰賁。帝聞震

怒。收達等下獄。悉伏誅。辭所連染。延及大臣。商上疏曰。

春秋之義。罪止首惡。大獄一起。無辜者衆。非所以順迎

和氣也。宜早訖竟。以止逮捕之煩。帝納之。

三月京師地震。

夏四月。馬賢擊燒當羌。那離等斬之。

梁商請免達。梁無識者。或予之。不知商素令其子與達。輩交好。深究中官。必有及已之患。故欲速竟其獄。不得謂之保全善類也。

先是鍾羌良封等寇隴西。漢陽校尉馬續擊破之。事在陽嘉

三年時詔拜馬賢為謁者。鎮撫諸羌。賢復發隴西吏士及

羌胡兵擊殺良封。又進擊鍾羌且昌等。諸種俱詣涼州

降。事並在陽嘉四年已而燒當那離等寇金城塞。賢將兵赴擊。

斬首四百餘級。那離等復西招羌胡殺傷吏民。事在永和三年

至是賢將湟中義從兵掩擊那離。斬之。徵賢為弘農太

守。

庚辰五年春二月京師地震。

夏四月南匈奴吾斯車紐左部匈奴名等反。詔度遼將軍馬續

招降之。

吾斯車紐等寇西河招誘右賢王。合兵圍美稷。注見前殺

長吏馬續與中郎將梁並烏但校尉王元發兵掩擊破之。帝遣使責讓單于。單于本不預謀。乃脫帽避帳謝罪。中郎將陳龜以單于不能制下。迫令自殺。降者遂更狐疑。龜坐免。梁商上表曰。馬續素有謨謀。典邊日久。深曉兵要。宜令續深溝高壘。以恩信招降。宣示購賞。爲明約期。如此。則醜類可服。國家無事矣。帝乃詔續招降叛虜。商又移書與續曰。中國安寧。忘戰日久。交鋒接矢。決勝當時。戎狄之所長。而中國之所短也。彊弩乘城。堅營固守。以待其衰。中國之所長。而戎狄之所短也。宜務先所長。以觀其變。設購開賞。宜示反悔。勿貪小功。以亂大謀。于是右賢王部抑鞬等萬三千口。皆詣續降。是秋九月。匈奴吾斯立車紐爲單于。引烏桓羌胡寇邊。冬。十二月。遣中郎將張耽將兵擊降之。

五月己丑晦日食。

辛巳六年春正月馬賢與羌戰敗沒東西羌羌居安定北地上郡西河者為

東羌居隴西漢陽金城塞外者為西羌遂大合閏月韋唐羌寇三輔燒園陵

初那離等既平朝廷以來機劉秉為并涼刺史梁商謂

狄荒忽無常而統領之道亦無常法臨事制宜畧依其俗今二君素性疾惡欲分明黑白孔子曰人而不仁疾

之已甚亂也況我狄乎務機等虐刻多所擾發羌遂復

反事在五年帝命馬賢討西羌梁商以為賢老不如大中

夫朱漢帝不從賢到軍稽留不進馬融時為武都太守上疏曰

今雜種諸羌轉相鈔盜宜及其未并亟遣深入破其支

黨而賢等處處留滯羌胡百里望塵千里聽聲必侵寇

三輔為民大害臣又聞吳起為將暑不張蓋寒不披裘

今賢野次垂幕珍肴雜選兒子侍妾事與古反臣懼其

將士將不堪命必有高克潰叛之變也皇甫規字威明安定朝

人亦見賢不恤軍事審其必敗上書言狀帝皆不從至

是果敗賢及二子皆沒封三月武都太守趙冲擊破鞏

唐羌詔冲督河西四郡兵時郡將以皇甫規有兵畧乃

羌交戰羌遂退卻規上疏曰羌戎潰叛皆因邊將失于

緩御乘常守安則加侵暴苟競小利則致大害微勝則

虛張首級軍敗則隱匿不言軍士勞怨困于猾吏進不

得快戰以邀功退不能溫飽以全命會豪泣血驚懼生

變是以安不能久叛則經年願假臣屯列坐食之兵五

千與趙冲共相首尾可不煩方寸之印尺帛之賜高可

滌患下可納降臣不勝至誠沒死自陳帝不能用羌遂

寇北地轉寇武威帝以羌寇充斥涼部震恐復徙安定

居扶風北地居馮翊命張喬行車騎將

秋八月大將軍梁商卒

商病篤敕冀等曰吾生無以輔益朝廷死何可以耗費

梁商討殺冀與不疑代起此卽王鳳覆轍東漢之不爲梁氏竊者幾希卽藉宦者誅冀實挾火抱薪之爲非曲突徙薪之計也

帑藏衣衾飯含玉匣珠貝之屬何益朽骨宜皆辭之卒

諸子欲從其誨朝廷不聽

以梁冀爲大將軍不疑冀之弟爲河南尹

以周舉爲諫議大夫

初梁商疾篤帝親臨幸問以遺言對曰臣從事中郎周舉清高忠正可重任也由是用之

九月辛亥晦日食

冬十一月徙荊州刺史李固爲泰山太守

荊州盜起彌年不定以李固爲刺史固到遣吏勞問境內赦寇盜前釁與之更始于是賊帥自縛歸首固皆原之遣還相招半歲間餘類悉降固奏南陽太守高賜等

賊穢。賜等重賂梁冀。冀爲之千里移檄而固持之愈急。冀遂徙固爲泰山太守。時泰山盜賊屯聚歷年。郡兵常千人追討。不能制。固到。悉罷遣歸農。但選畱任戰者百餘人。以恩信招誘之。未滿歲。賊皆弭散。

壬午漢安元年秋八月。遣八使分行州郡。

時盜賊並起。殺長吏二千石。橫行州郡。帝以周舉言。遣

舉及杜喬。

字叔榮。河內林慮人。

周栩。馮羨。張綱。樂巴。

字叔元。魏郡內黃人。

郭

遵。劉班。分行州郡。表賢良。顯忠勤。其貪汙有罪者。刺史

二千石。驛馬上之。墨綬以下。

輿服志。千石六百石。墨綬三采。

便輒收。舉

喬等受命之郡。綱獨埋其車輪于雒陽都亭。曰。豺狼當道。安問狐狸。遂劾奏大將軍冀。河南尹不疑。無君之心。

十五事。京師震悚。帝雖知綱言直。不能用也。他使所劾。亦多冀及宦官親黨。事皆寢遏。侍御史种嵩字景伯洛陽人復行按舉。乃更考正其罪。

以李固為將作大匠。

杜喬奏李固政為天下第一。故有是命。

喬奏梁氏親黨陳留太守梁讓

等皆免之。

以張綱為廣陵太守。

梁冀恨張綱。思有以中傷之。時廣陵賊張嬰。寇亂揚徐。積十餘年。乃以綱為廣陵太守。綱單車徑詣嬰壘門。罷遣吏兵。以書喻嬰。請與相見。嬰出拜謁。綱譬之曰。前後二千石。多肆貪暴。故致公等懷憤相聚。然為之者非義。

嬰亂民非敵國比。雖而縛歸降亦不可遽貸也。從來反側不常多為受款之言。

所恨故綱未盡衆復
叛明季於張獻忠諸賊輒
以受撫爲名自貽伊戚非
炯鑒

也。今主上仁聖。欲以文德服叛。不願以刑罰相加。故遣
太守來。誠轉禍爲福之時也。若聞義不服。天子震怒。則
大兵雲合。身首橫分。血嗣俱絕。二者利害。其深計之。嬰
泣下曰。愚民不堪侵枉。遂復相聚偷生。若魚遊釜中。知
其不可久。且以喘息須臾間耳。今聞明府之言。乃嬰等
更生之辰也。明日率所部萬餘人歸降。南州晏然。綱論
功當封。冀遏之。在郡一歲卒。嬰等五百餘人爲之制服。
送至犍爲。負土成墳。是時二千石長史有能政者。雒陽
祐峻爲令。能選用人才。各盡其用。發奸不旋踵。民間不
畏吏。雒陽大治。章爲冀州刺史。有故人爲清河太守。章
行部。欲按其奸贓。乃請太守。爲設酒甚歡。太守喜曰。人
皆有一天。吾獨有二天。章曰。今夕蘇孺文與故人飲者
私恩也。明日冀州刺史案事者。公法也。遂舉正其罪。州
境肅然。吳祐政從仁簡。民不忍欺。嗇夫孫性。私賦民錢

掾私賦民錢市衣進父因
父言而自首其事即實原
其積有其罪可耳仍以
遺民則何事出好名
不為訓

市衣以進其父父得而怒曰有君如是何忍欺之促歸
伏罪性慚懼自首且談父言祐曰掾以親故受污穢之
名所謂觀過知仁矣使歸謝其父還以衣遺之任峻
渤海人蘇章字孺文扶風平陵人吳祐字季英陳留長
垣人

癸未二年冬十一月使匈奴中郎將馬實字伯騫扶風茂陵人遣人刺

匈奴吾斯斬之

元年秋吾斯復反與薁鞬臺耆且渠伯德等掠并州王

暢字叔茂龔之子薦實于朝以為中郎將實募人刺殺吾斯送

首洛陽明年進擊餘黨烏桓七十餘萬口皆詣實降詔

書褒獎賜錢十萬時匈奴兜樓儲先在京師明年遣之歸上親臨軒授璽綬引上殿賜車馬

器服金帛甚厚詔太常大鴻臚與諸國侍子于廣陽城
門外祖會饗賜作樂角觝百戲立為呼蘭若尸逐就單
丁

地震。

涼州自九月以來。地百八十震。山谷圻裂。壞敗城寺。民壓死者甚衆。

增孝廉爲四科。

尙書令黃瓊以前左雄所上孝廉之選。專用儒學文吏。于取士之義。猶有所遺。乃奏增孝悌及能從政爲四科。帝從之。

甲申建康元年春。趙冲討羌戰沒。

先是。趙冲爲護羌校尉。擊燒何羌。燒當別種破之。于是諸種

前後三萬餘戶悉降。事在漢安元年二年至是。冲追叛羌。遇伏戰

沒。而冲前後多所斬獲。羌亦由是衰耗。封冲子爲義陽亭侯。明年。左馮

中常侍承帝命召太子恒
事也。种嵩即有所疑。隨去
可也。而乃手劍當車。是儼
然以父子為敵國。無諾不
侯之謂。何史家方譽以為
臨事不惑。可謂無識矣。

翊梁並招誘叛羌。離南
狐奴等皆降。隴右復平。

夏四月立子炳為皇太子。

太子居承光宮。帝使侍御史种嵩監其家。中常侍高梵
從中單駕出迎太子。時太傅杜喬等疑不欲從而未決。
嵩乃手劍當車曰。太子國之儲副。今常侍來無詔信。何
以知非姦邪。梵辭屈。馳還奏之。詔報太子乃得去。喬退
而歎息。愧嵩臨事不惑。帝亦嘉其持重。稱善者良久。

秋八月。揚徐羣盜范容等作亂。遣御史中丞馮緄討之。

帝崩。太子炳即位。

是為冲帝。
時年二歲。

尊皇后曰皇太后。太后臨朝。

以李固為太尉。錄尚書事。

九月葬憲陵

在雒陽縣東北

史臣曰古之人君離幽放而反國祚莫不矯鑒前違審識情僞無忘在外之憂故能中興其業觀夫順朝之政何其儆僻之多歟

地震詔舉賢良方正之士策問之

京師及太原鴈門地震水涌土裂詔三公特進侯卿校尉舉賢良方正各一人百僚皆上封事皇甫規對曰陛下攝政之初拔用忠貞遠近翕然望見太平而災異不息寇賊縱橫殆以姦臣權重之所致也其常侍尤無狀者宜亟黜遣以答天誡大將軍冀河南尹不疑亦宜增修謙節輔以儒術省去游娛不急之務割減廬第無益之飾凡諸宿猾酒徒戲客皆宜貶斥以懲不軌冀忿之

以規爲下第。拜郎中。託疾免歸。

冬十一月。九江盜馬勉。稱帝于當塗。

注見前。

勉稱皇帝。其黨徐鳳稱無上將軍。建年號。置百官。

羣盜發憲陵。

孝冲皇帝

乙酉 永嘉元年春正月帝崩。

太后以揚徐盜賊方盛。欲須所徵諸王列侯到。乃發喪。李固曰。帝雖幼小。猶天下之父。今日崩亡。人神感動。豈有人子反共掩匿乎。秦皇沙邱之謀。近日北鄉之事。皆天下大忌。不可之甚者也。太后從之。卽暮發喪。

徵清河王蒜。

孝王慶嗣孫延平之子。

及渤海王

名鴻。

樂安夷王寵之。考夷王寵之父。

千乘貞王伉。章帝子也。伉卒。寵嗣封下乘。延光中改國樂安。卒。子鴻嗣。鴻生纘。即質帝。帝既立。梁太后始徙封鴻渤海。此云渤海者。蓋史臣追叙之文。子纘至京師。大將軍冀白太后迎纘入即位。是為孝質帝。罷蒜歸國。

蒜纘皆章帝曾孫。蒜父延平亦樂安夷下之子。鄧太后以嗣清河。蒜為人嚴重

有法度。公卿皆歸心焉。時纘年八歲。李固謂梁冀曰。立帝宜擇長年有德。任親政事者。願將軍審詳大計。鑒周霍之立文宣。戒鄧閹之利幼弱。冀不從。與太后定策禁中。迎纘入南宮。即皇帝位。蒜罷歸國。葬懷陵。

將卜山陵。李固以寇賊軍興費廣。帝尚幼小。可起陵于憲陵坐內。如康陵制度。太后從之。

三月九江都尉滕撫

字叔輔北海劇人

擊馬勉范容等斬之。

太后以徐揚盜賊益熾

揚州刺史尹耀九江太守鄧顯討賊俱敗沒

博求將

帥三公舉撫有文武才。詔拜九江都尉助馮緄討之。廣

開賞募錢邑有差。遂破斬馬勉及徐鳳范容等。拜撫中

郎將督揚徐二州事。

時張嬰復反廣陵歷陽賊垂孟自稱黑帝撫皆破斬之。于是東南悉

平。歷陽漢縣故城在今江南和州。

詔康陵在恭陵上。

詔曰。殤帝雖不永祚。卽位踰年。君臣禮成。安帝承襲統

業。而前世命恭陵在康陵之上。先後相踰。失其次序。今

其正之。

孝質皇帝

丙本初元年夏四月詔郡國舉明經詣太學受業者或謂
課試拜官有差

自是公卿皆遣子受業遊學增盛至三萬餘生

閏六月梁冀進毒弑帝白太后策免太尉固迎蠡吾後漢

故城在今直隸保定府博野縣侯志章帝曾孫入卽位是為孝桓帝太后臨朝

帝少而聰慧嘗因朝會目梁冀曰此跋扈將軍也冀深

惡之使左右置毒于煮餅以進帝苦煩甚召李固固入

前問帝曰食煮餅腹悶得水尙可活冀曰恐吐不可飲

水語未絕而崩固伏尸號哭推舉侍醫冀慮其事泄大

惡之議立嗣固與司徒胡廣司空趙戒字志伯蜀郡成都人先與

冀書曰先世廢立未嘗不詢訪公卿廣求羣議令上應

天心下合衆望。傳曰。以天下與人易。爲天下得人難。至
憂至重。可不熟慮。冀乃召百官入議。固廣戒及大鴻臚
杜喬皆以爲清河王蒜。明德著聞。又屬最尊親。宜立爲
嗣。而中常侍曹騰常謁蒜。蒜不爲禮。由此惡之。夜往說
冀曰。將軍累世椒房之親。秉攝萬幾。賓客縱橫。多有過
差。清河嚴明。若果立。則將軍受禍矣。不如立蠡吾侯。富
貴長可保也。章帝生河間王開。開生平原王翼。翼以貶
歸河間。其父請分蠡吾縣以侯之。翼卒。子
志嗣。太后欲以女弟
妻志。因徵到夏門亭。冀然其言。明日。重會公卿。冀意氣
凶凶。廣戒懾懾曰。惟大將軍令。獨固喬守本議。冀厲聲
罷會。說太后策免固。迎蠡吾侯志入南宮卽位。時年十
五。太后猶臨朝政。大將軍掾朱穆。字公叔。南
陽宛人。戒梁冀曰。

願將軍專心公朝。割除私欲。廣求賢能。斥遠佞惡。爲皇帝置師傅。宜得小心忠厚之士。與之參勸講授。又薦种暡樂巴等。冀不能用。

秋七月。葬靜陵。

在雒陽縣東南。

九月。追尊河間孝王爲孝穆皇。蠡吾先侯曰孝崇皇。

冬十月。尊母偃氏。

偃同偃。皐陶之後。以姓爲氏。

爲博園貴人。

孝桓皇帝

丁建和元年。春正月。辛亥朔。日食。

夏四月。京師地震。

六月。以杜喬爲太尉。

自李固之廢。中外喪氣。羣臣側足而立。惟喬正色不撓。

由是朝野皆倚望焉。

秋。論定策功。益封梁冀萬三千戶。又封其子弟及宦者劉廣等。皆爲列侯。

杜喬諫曰。陛下卽位。不急忠賢之禮。而先左右之封。梁氏一門。宦者微孽。並帶無功之綬。裂勞臣之土。其爲乖濫。胡可勝言。苟遂斯道。豈伊傷政爲亂而已。喪身亡國。可不慎哉。書奏不省。

八月。立皇后梁氏。

初。永昌太守劉君世。鑄黃金爲文蛇。以獻梁冀。益州刺史种暲糾發其奸。冀恨暲。因以他事陷之。李固上疏伸理。太后赦暲免官。以金蛇輸官。冀從大司農杜喬借觀。

喬不與冀小女死。令公卿會喪。喬獨不往。冀又屬喬舉
汜宮爲尙書。喬以宮賊罪不用。至是立后。冀欲以厚禮
迎之。喬又據舊典不聽。由是曰忤冀。

九月京師地震。策免大尉喬。

冬十一月貶清河王蒜爲尉氏。

漢縣今屬河南開封府

侯徙桂陽。蒜

自殺。

後梁冀惡清河名改爲甘陵

下李固杜喬獄殺之。

宦者唐衡左悺等共譖杜喬曰。陛下前當卽位。喬與李

固抗議。言上不堪奉漢宗祀。帝亦怨之。會劉文

甘陵人劉

鮪

魏郡人

謀共立清河王蒜。劫其相謝暉殺之。蒜坐貶徙

桂陽。自殺。梁冀因誣固。喬云。與文交通。收固下獄。門生

王調

渤海人

貫械上書。趙承

河內人

等數十人亦要鐵鎖詣

闕通疏。太后詔赦之。京師市里皆稱萬歲。冀聞之畏固

名德終爲已害。乃更據奏前事。長史吳祐爭之不從。時

馬融爲冀作章奏。祐謂曰。李公之罪成于卿手。李公若

誅。卿何面目視天下人。冀怒起入室。祐亦徑去。固遂死

獄中。

固臨終與胡廣趙戒書曰。梁氏迷謬。公等曲從。漢

良史豈有所私。固身已矣。于義得矣。復何言哉。廣戒得書長歎流涕而已。冀使人脅杜喬使

自引決。喬不聽。收繫之。亦死獄中。

冀暴固。喬尸令有敢臨者加其罪。固弟子

郭亮年始成童。詣闕上書乞收固尸。不報。與董班俱往

臨哭。守尸十日不去。喬故掾楊匡號泣星行至洛。託爲

夏門亭吏。守護尸喪。積十二日。詣闕上書。并乞二公骸

骨。太后許之。匡送喬喪還家。葬訖。行服。遂與亮班皆隱

匿。終身不仕。趙承與固弟子七十二人論固言迹爲德

行一篇。吳祐亦自免歸。卒于家。郭亮字恒直。朗陵人。

董班字季宛。人楊匡字叔康。陳留人。

戊二年春正月帝冠

三月帝從皇太后幸大將軍冀府。

夏五月北宮火帝徙居南宮。明年三月復還北宮。

己丑三年夏四月丁卯晦日食。

六月震顯陵寢屋。

秋七月廉縣。後漢縣故城在今甘肅平涼府固原州。雨肉。續漢志肉似羊肺。或如掌。五行志棄

法律逐功臣。時則有羊禍。是時梁冀專權。枉誅李固。杜喬。天下冤之。

八月有星孛于天市。天市垣二十四星在房星東。

九月地再震山崩。

前朗陵。後漢侯國。故城在今河南汝寧府確山縣。侯相荀淑卒。

淑少博學有高行。李固李膺等皆師宗之。安帝時徵拜

當時亂政自足以召天變然雨肉之事則失於奇怪觀續漢志引羊禍由於枉誅李固杜喬云云可知

荀彧偶聚何王上應象緯
史家阿好失類此者不
少

郎中再遷當塗長後舉賢良

光祿勳杜喬少府房植所舉

對策譏刺

貴幸梁冀忌之出為朗陵相泣事明治稱為神君有子

八人儉緝靖憲

注爽肅勇並有名稱時人謂之八龍

叔嗣

少有俊才弟爽字慈明亦以才顯汝南許章曰慈

明外朗

叔嗣內潤穎川又為之語曰荀氏八龍慈明無

雙陳寔

嘗詣淑寔使子紀將車誡持杖後從孫羣年小

載于車中

既至淑使靖應門爽行酒餘六龍下食孫或

小坐于膝前

是時太史奏五百里賢人聚陳寔字仲

子穎川

許人紀字元方諡字季友羣字長文荀彧字文

若穎陰

令苑康字仲真渤海重台人命其里曰高陽里淑卒年六

十七歲李膺時為尚書自表師喪

二點皆為立祠淑兄

為沛相

曇為廣陵太守皆正身疾惡忌除閹宦後共

竇武謀誅中官

與李膺俱死曇亦桀黠終身

條曇字

元智

庚寅

和平元年春正月太后歸政二月崩

合葬憲陵

三月封梁冀妻孫壽為襄城君

壽善為妖態。

壽作愁眉啼粧。墮馬髻。折腰步。齟齬笑。

冀寵憚之。冀愛監奴

秦宮出入壽所。

壽見宮輒屏御者。託以言事。因與私焉。

刺史二千石皆謁

辭之。

冀壽對街為宅。碑極土木。起兔苑。巨數十里。移檄調生兔。刻毛為識。人有犯者。罪至死。冀用

壽言多斥奪諸梁在位者。外以示謙讓。而孫氏宗親為

侍中。卿校郡守者十餘人。皆貪饕凶淫。所在怨毒。侍御

史朱穆奏記于冀曰。將相大臣均體元首。豈可去明即

昧。履危自安。宜時易宰守。非其人者。減省第宅園池之

費。拒絕郡國諸所奏送。內以自明。外解人惑。則將軍身

尊事顯。德耀無窮矣。冀不納。冀雖專朝。而猶交結宦官。

任其子弟以為要職。欲以自固。穆又奏記極諫。冀終不

寤。冀遣書詣樂安太守陳蕃，請託不得通。使

夏五月，尊博園，貴人曰孝崇后。

辛卯，元嘉元年春正月朔，尚書張陵字處冲，蜀郡成都人。劾大將軍冀

罪，詔以俸贖。

羣臣朝賀，大將軍冀帶劍入省。尚書張陵叱出，敕羽林

虎賁奪劍。冀跪謝。陵不應，即劾奏冀，請廷尉論罪。有詔

以一歲俸贖。百僚肅然。河南尹不疑嘗舉陵孝廉，謂曰：

「舉君適所以自罰也。」陵曰：「明府不以陵不才，誤見擢序，

今中公憲以報私恩，不疑有媿色。」不疑好經書，喜待士。冀疾之，轉為光祿勳。

不疑自耻兄弟有隙，遂辭位歸第。與弟蒙閉門自守。冀

不欲令與實客交通，陰使人變服至門，記往來者。南郡

不疑本與冀為昆弟，曾斥張陵之劾冀，而史家又謂其好經書，不與冀和，是自相矛盾矣。且李固下獄，乃馬融所草，其倚冀為自固之計者，巧矣。豈有小忤冀意，即不免竄謫者？當時記載實不得謂之皆信也。

夏四月。帝微行。至河南尹梁胤不疑子。時府舍。是日。大風

拔樹。晝昏。

尚書楊秉

字叔節。震中子。

上疏曰。臣聞諸侯如臣之家。春秋尚

列其誠。況以先王法服。而私出槃遊。降亂尊卑。等威無

序。侍衛守空宮。綬璽委女妾。設有非常之變。任章之謀。

前漢書。宣帝時。代郡太守任宣坐謀反誅。宣子章為公車丞。亡在渭城界中。夜元服入廟居廊間。執戟立于廟

門。待上至。欲為上負先帝。下悔靡及。帝不納。秉以病乞退。出為右

逆。發覺。伏誅。扶風黃瓊留之。拜光祿大夫。

京師旱。任城梁國饑。民相食。

冬十一月。地震。詔舉獨行之士。

涿郡崔寔

字子真。一名台。字元始。駟之孫。

以獨行舉。詣公車。稱病不對。

策退而論世事名曰政論

其畧曰凡天下所以不治者

危快不自覩或荒耽嗜慾不恤萬幾或耳蔽箴誨厭偽

忽真或猶豫岐路莫適所從或見信之佐括囊守祿或

疎遠之臣言以賤廢是以王綱縱弛智士鬱伊夫為天

下者自非上德嚴之則治寬之則亂何以明其然也近

孝宣皇帝審于為政之理故嚴刑峻法破奸宄之膽海

內肅清天下密如算計見效優于孝文及元帝即位多

行寬政卒以墮損威權始奪遂為漢室基禍之主政道

得失于斯可監蓋為國之法有似治身平則致養疾則

攻焉夫刑罰者治亂之藥石也德教者興平之梁肉也

以德教除殘是以梁肉治疾也以刑罰治平是以藥石

供養也自數世以來政多恩貸馭委其轡馬駘其銜四

牡橫犇皇路險傾方將相勒韃韞以救之豈暇鳴和鸞

清節

奏哉

司馬氏光曰漢家之法已嚴矣而寔猶病其寬何哉蓋

衰世之君率多柔儒凡愚之佐唯知姑息是以權倖之

臣有罪不坐豪猾之民犯法不誅仁恩所施止于目前

姦宄得志紀綱不立故崔寔之論以矯一時之枉非百

世之通義也孔子曰政寬則民慢慢則糾之以猛猛則

民殘殘則施之以寬寬以濟猛猛以濟寬政是以和斯

不易之
常道矣。

詔加大將軍冀殊禮。增封四縣。賜以甲第。

帝欲褒崇梁冀。使議其禮。胡廣等咸稱冀勲德宜比周公。錫之山川。土田附庸。司空黃瓊獨曰。可比鄧禹。合食四縣。于是有司奏冀入朝不趨。劍履上殿。謁贊不名。禮比蕭何。增封四縣。比鄧禹。賞賜金錢奴婢綵帛車馬衣服甲第。比霍光。每朝會。與三公絕席。十日一入平尚書事。冀猶以所奏禮薄。意不悅。

壬辰二年春正月。京師地震。

夏四月。孝崇后夏氏崩。

合葬博陵。帝父
懿。吾侯之墓也。

帝舉哀洛陽西鄉。以弟平原王石為喪主。王侯以下皆

會葬。禮儀制度比恭懷皇后。

是時大將軍梁冀輔政。閹氏無在位者。

秋七月庚辰朔日食。

冬十月京師地震。

癸巳永興元年秋七月河溢民饑以朱穆爲冀州刺史尋徵下獄輸作左校。

冀州民饑流亡數十萬戶詔以朱穆爲刺史令長聞穆濟河解印綬去者四十餘人及到奏劾諸郡貪污者有至自殺或死獄中宦者趙忠喪父歸葬僭爲玉匣穆下郡案驗吏發墓剖棺出之帝聞大怒徵穆詣廷尉輸作左校太學生劉陶字子奇潁川定陰人等數千人詣闕上書訟穆曰中官近習竊持國柄手握王爵口含天憲運賞則使

餓隸富于季孫。呼籲則令伊顏化爲桀跖。而穆獨抗然不顧身害。非惡榮而好辱。惡生而好死也。徒感王綱之不振。懼天網之久失。故竭心懷憂。爲上深計。臣願黥首繫趾。代穆校作。帝乃赦之。陶又上疏。稱朱穆李膺履正。清平貞高。絕俗斯實。中興之良佐。國家之柱臣。宜還本朝。夾輔王室。書奏不省。

甲午二年春二月復聽刺史二千石行三年喪。

京師地震。

東海胸山

在今江南海州南。上有雙崩。峯如削。俗呼爲馬耳山。

封乳母馬惠子初爲列侯。

秋九月丁卯朔日食。

冬十一月泰山琅邪盜起。

時盜賊四起。陳留李堅自稱皇帝。

事在建和元年。

長平陳景自

號黃帝子。署置官屬。南頓管伯稱真人。圖舉兵。

事俱在建和二

年。

扶風裴優。

裴氏。非子支孫。封鬻鄉。因爲氏。其後去邑從衣。

亦稱皇帝。

事在和平

年。

俱伏誅。至是泰山琅邪賊公孫舉、東郭實等復反叛。

殺長吏。

乙未。永壽元年春二月。司隸冀州饑。人相食。

巴郡益州郡山崩。

秋。南匈奴左薁鞬臺耆等反。屬國都尉張奐

字然明。敦煌酒泉人。

破降之。

南匈奴左薁鞬臺耆、渠伯德等反。東羌復舉。種應之。安定屬國都尉張奐初到職。壁中惟有二百許人。聞之。

卽勒兵出軍吏爭止之不聽遂進屯長城收兵遣將王
衛招誘東羌使匈奴不得交通東羌諸豪遂相率與
共擊莫鞬等破之伯德將其衆降羌豪遺與馬二十四
金鐻八枚與以酒酌
地曰使馬如羊不以入廄使金如粟不以入懷悉還之
前此八都尉率好貨財爲羌所苦及與正身潔己無不
悅服

丙申二年秋鮮卑檀石槐寇雲中以李膺爲度遼將軍

初鮮卑檀石槐勇健有智畧部落畏服弛法禁平曲直

無敢犯者遂推以爲大人立庭于彈汗山去高柳注見前

北三百餘里東西鄙大人皆歸焉因南抄緣邊北拒丁

零注見前東却夫餘西擊烏孫盡據匈奴故地東西萬四

千餘里至是人寇以故烏桓校尉李膺爲度遼將軍膺爲

校尉時鮮卑犯塞。膺常蒙矢石。每破走之。虜甚憚。膺到邊。羌胡望風畏服。先所

掠男女。悉詣塞下還之。

以韓韶

字仲黃。潁川舞陽人。

為羸

漢縣。故城在今山東泰安府萊蕪縣長。

公孫舉等。寇青兗徐州。討之連年。不克。尚書選能治劇

者。以韶為羸長。賊聞其賢。相戒不入境。流民萬餘戶歸

縣界。韶開倉賑之。主者爭不可。韶曰。長活溝壑之人。而

以此伏罪。含笑入地矣。韶與同郡荀淑。鍾皓

字季明。陳長社人。

寔皆嘗為縣長。時人謂之潁川四長。

淑事具前。

皓少以篤行

稱。公府辟林慮長。不就。與荀淑並為士大夫所歸慕。李

膺嘗歎曰。荀君清識難尚。鍾君至德可師。

皓兄子瑾。好學慕古。有退

讓風。與膺俱有聲名。瑾母膺之姑也。膺祖太尉修嘗言。瑾邦有道不廢。邦無道免于刑戮。復以膺妹妻之。膺謂

瑾曰。弟何太無阜白。瑾以白皓。皓曰。昔國武子好招人過。以致怨本。保身全家。爾道爲貴。寔爲太邱漢縣。故城在今河南歸德府永城縣。長修德清靜。百姓以安。本司官行部。吏慮有訟者。白欲禁之。寔曰。訟以不直。禁之。理將何申。其勿有所拘。人亦竟無訟者。以沛相賦斂違法。乃解印綬去。吏民追思之。

遣中郎將段熲。

字紀明。武威姑臧人。

擊泰山琅邪羣盜。平之。

帝以東方盜賊昌熾。

命公卿選將帥有文武才者。

司徒

尹頌。

字公孫。鞏人。

薦議郎段熲。乃拜中郎將。擊公孫舉。東郭

竇等。大破斬之。餘黨皆散。

冬十二月。京師地震。

丁酉三年夏四月。九真蠻夷反。討破之。

居風

漢縣屬九真郡

人朱達誘蠻夷反太守兒式討之戰歿遣

九真都尉魏朗

字少英會稽上虞人

擊破之

後延熹三年餘寇復反詔以夏方爲交州

刺史方威惠素著賊相

率降

夏方九江人

閏月庚辰晦日食

京師蝗

或言民貧宜鑄大錢事下四府羣僚及太學能言之士議之劉陶曰當今之憂不在于貨在乎民饑蓋民可百年無貨不可一朝有饑議者不達農殖之本多言鑄冶之便雖以陰陽爲炭萬物爲銅猶不能足無厭之求也夫欲民殷財阜要在止役禁奪則百姓不勞而足今地廣而不得耕民衆而無所食羣小競進吞噬無厭誠恐

卒有役夫窮匠。投斤遠呼。使愁怨之民。響應雲合。雖方尺之錢。何能救其危也。遂不改錢。

戊戌延熹元年夏五月甲戌晦日食

太史令陳授陳日食之變。咎在梁冀。冀收考授。死于獄中。帝由是怒冀。

京師蝗。

秋七月。雲陽地裂。

冬十二月。南匈奴烏桓鮮卑入寇。以陳龜爲度遼將軍。除并涼一年租賦。

龜臨行。上疏曰。臣聞三辰不軌。擢士爲相。蠻夷不恭。拔卒爲將。臣無文武之才。而忝鷹揚之任。雖歿軀體。無所

云補西州地瘠民貧數更寇虜屢被災荒雖含生氣實同枯朽陛下以百姓爲子焉可不垂撫循之恩哉牧守不良招致災害胡虜凶悍因衰緣隙而將帥不忠聚奸玩寇使倉庫單竭功業無効宜改任牧守去斥奸殘更選將校簡練文武除并涼今年租更更謂卒更錢也漢律更有三品曰卒更曰踐更寬赦罪隸掃除更始則善吏知奉公之祐惡者覺營私之禍胡馬可不窺長城塞下無候望之患矣帝乃更選幽并刺史太守下詔除并涼一年租賦龜到職州郡震栗省息經用歲以億計後梁冀暴虐日甚冀與龜素有隙徵還龜上疏請誅冀不省遂不食而卒

以張奐爲北中郎將

匈奴烏桓燒軍門屯赤坑煙火相望兵衆大恐與安坐
帷中講誦自若潛誘烏桓使斬匈奴屠各匈奴別種名渠帥
襲破其衆諸胡悉降

以种暡爲度遼將軍

暡到營所先宣恩信不服然後加討羌虜質郡縣者悉
遣還之誠心懷撫信賞分明由是羌胡皆來順服乃去
烽燧除候望邊方晏然

己亥二年春三月復斷刺史二千石行三年喪

秋七月皇后梁氏崩

梁后恃姊妹勢奢靡妬忌寵衰無子宮人孕育鮮得全

者帝益疎之憂恚而崩

葬懿陵後梁冀誅廢懿陵爲貴人冢

八月大將軍梁冀伏誅太尉胡廣司徒韓續司空孫朗皆以罪免爲庶人

梁氏七侯三后六貴人三大將軍卿將尹校五十七人冀專擅威柄凶恣日積宮衛近侍並樹所親禁省起居

纖微必知四方貢獻皆先輸上第于冀乘輿乃其次焉

百官遷召皆先到門謝恩然後敢詣尙書吳樹爲宛令之官辭冀冀

以賓客爲託樹曰小人奸蠹比屋可誅明將軍處上將之位宜崇賢善以補朝闕而多託匪人非樹所敢聞也

到縣遂誅冀客數十人後還謁冀冀鳩之出死車上又遼東太守侯猛初拜不謁冀託以他事要斬之郎中袁

著年十九詣闕上書曰臣聞四時之運成功則退高爵厚寵鮮不至災今大將軍位極功成宜遵懸車之禮若

不抑損權盛將無以全其身矣冀聞而密遣掩捕笞殺之太原郝瓘胡武與著友善冀遂誅武家死者六十餘

人瓘知不免仰藥而死帝嫡母耿貴人薨冀從貴人從子承求珍玩不得怒族其家崔琦作外戚箴以譏冀役

之冀威行內外百僚莫敢違命帝頗不平鄧香和熹皇后從兄

子妻宣生女猛香卒宣更適孫壽舅梁紀壽引其女猛

入掖庭爲貴人冀欲認猛爲已女時猛姊婿邴尊爲議

郎冀恐尊沮宣乃使刺客殺尊而又欲殺宣遣客登屋

宣家覺之馳入白帝帝大怒遂與中常侍單超河南人具

漢紀瑗元城人唐衡潁川人左悺平陰人徐璜下邳人等成謀

誅冀冀疑之乃使黃門張暉入宿以防變瑗收暉請帝

詣前殿使尙書令尹勲字伯元河持節勒丞郎以下皆

操兵守省閣歛諸符節送省中使瑗將廐騶虎賁羽林

都候劍戟士合千餘人與司隸張彪共圍冀第收大將

軍印綬冀壽皆自殺收梁氏孫氏無長少皆棄市胡廣

和帝誅竇憲而封鄭眾順
帝誅閭顯而封孫程桓帝
誅梁冀而封單超等其事
自相倚伏至竇武何進被
殺則外戚直在宦官掌握
之中矣太阿倒持勢難孤
立故西漢亡於外戚而東
漢亡於宦官可不戒哉

韓續孫朗皆坐阿附。減死免為庶人。故吏賓客免黜者
三百餘人。朝廷為空。百姓稱慶。收冀財貨。合三十餘萬
萬。以充王府用。減天下租稅之半。散其園囿。以業窮民。
立貴人鄧氏為皇后。即猛也。封宦者單超等五人為列侯。

超及徐璜、具瑗、左悺、唐衡五人同日受封。故世謂之五
侯。

以黃瓊為太尉。

時新誅梁冀。天下想望異政。瓊首居公位。乃舉奏州郡
貪污死徙十餘人。辟汝南范滂。字孟博。征羌人。滂少厲清節。嘗
為清詔使按察冀州。登車攬轡。慨然有澄清天下之志。

守令贓污者皆望風解印綬去。及爲太尉掾時。詔三府掾屬舉謠言。漢官儀曰。三公聽採長吏臧否。人所疾苦。還條奏之。是謂舉謠言也。奏權豪之黨二十餘人。深爲民害者。

徵處士徐穉。

字孺子。豫章南昌人。

姜肱。字伯淮。彭城廣戚人。

韋著。

字休明。扶風平陵人。袁

閔。

字夏甫。安元孫。

李曇。

字雲。潁川陽翟人。

皆不至。

尙書令陳蕃薦五處士。以安車元纁徵之。不至。穉家貧。常自耕稼。非其力不食。恭儉義讓。所居服其德。屢辟不起。蕃爲太守。以禮請署功曹。穉旣謁而退。蕃性方峻。不接賓客。穉來。特設一榻。去則懸之。後舉有道。家拜太原太守。皆不就。肱與二弟仲海。季江。俱以孝友聞。同被而寢。嘗詣郡縣。遇盜欲殺之。肱曰。弟年幼。父母所憐。又未

獨行爲法鄉閭不失佳士
至被盜幾於殺身猶隱情
若此則實矯枉失好惡之
正使出膺民社亦姑息養
奸可乎

聘娶願殺身濟弟季江曰兄年德在前家之珍寶國之
英俊乞自受戮以代兄命盜兩釋焉至郡中見肱無衣
服怪問其故肱托以他辭終不言盜盜聞而感悟就肱
叩頭謝罪還所掠物肱不受勞以酒食而遣之舉有道
方正皆不就著隱居講授不修世務閤家世貴盛苦身
守節以耕學爲業曇少喪父繼母酷烈事之彌謹身耕
農以奉供養得四時珍味必先以進母鄉里宗其孝行
帝又徵安陽魏桓其鄉人勸之行桓曰夫干祿求進所
以行其志也今後宮千數其可損乎慨馬萬匹其可減
乎左右權豪其可去乎皆對曰不可桓慨然歎
曰使桓生行死歸于諸子何有哉遂隱身不出

封皇后兄子鄧康宦者侯覽

山陽防東人

等爲列侯殺白馬

漢縣

故城在今河南衛輝府滑縣

令李雲

字行祖甘陵人

引農稼杜眾

袁紀李雲下獄事在三年

范書在二年。綱目因之。今依綱目。

帝既誅梁冀。故舊恩私。多受封爵。封后親屬。皆爲列侯。侯覽上縑五千匹。賜爵關內侯。又託以與誅梁冀功。進封高鄉侯。又封小黃門劉普。趙忠。安平人。等八人爲鄉侯。自是權勢全歸宦官。五侯尤貪縱。傾動內外。白馬令李雲。露布上書。移副三府。曰。梁冀雖恃權專擅。今以罪行誅。猶召家臣搃殺之耳。而猥封謀臣萬戶以上。西北列將。得無解體。帝者。諦也。今官位錯亂。小人詔進。財貨公行。政化日損。是帝欲不諦乎。帝震怒。逮雲送獄。使中常侍管霸考之。弘農掾杜衆。傷雲以忠諫獲罪。上書願與雲同死。帝愈怒。并下獄。大鴻臚陳蕃。太常楊秉。洛陽市

長沐茂郎中上官資並上疏請皆坐免黜。里茂資貶秩

等。管霸亦言雲衆庄慝不足加罪。帝曰。帝欲不諱。是何

等語。而常侍欲原之耶。遂皆死獄中。後黃瓊上疏曰。陛

勝政諸梁秉權。豎宦充朝。李固杜喬既以忠言橫見殘

滅。而李雲杜衆復以直道受誅。海內傷懼。以忠爲諱。尚

書周永素與梁冀共構姦宄。臨冀當誅。乃陽毀示忠。以

冬十月。以宦者單超爲車騎將軍。

以陳蕃爲光祿勳。

時封賞踰制。內寵猥盛。蕃上疏曰。夫諸侯上象四七。謂

十八藩屏上國。而左右以無功博賞。至乃一門之內。侯

者數人。故緯象失度。陰陽謬序。又比年收斂十傷五六。

采女數千所出僅止五百
左右無功降封侯為鄉侯
如此調停所謂月壤一雞
之類觀水旱十傷五六不
聞一議賑貸其義自見

人不聊生而采女數千食肉衣綺脂油粉黛不可貲計
且聚而不御必生憂悲之感以致水旱之困帝頗采其
言為出宮女五百餘人封侯者降為鄉侯

以楊秉為河南尹尋坐論作左校

單超兄子匡為濟陰太守負勢貪放兗州刺史第五種
字興先倫之曾孫使從事衛羽案之得贓五六千萬奏并劾超

匡賂客任方刺羽羽覺之捕繫洛陽匡密令突獄亡走

尚書詰秉對曰方等無罪釁由單匡乞檻車徵匡考覈

其事則奸慝蹤緒必可立得秉竟坐論作左校種亦以

他罪徙朔方後種以久旱赦出皇甫規等訟之再徵乃到拜太常

以爰延字季平陳留外黃人為五官中郎將

帝問侍中爰延。朕何如主。對曰。陛下爲漢中主。帝曰。何以言之。對曰。尙書令陳蕃任事則治。中常侍黃門與政則亂。是以知陛下可以爲善。可以爲非。帝曰。敬聞闕矣。拜五官中郎將。會客星經帝座。帝密以問延。延曰。天子動靜以禮。則星辰順序。意有邪辟。則晷度錯違。陛下以河南尹鄧萬世有龍潛之舊。封侯引見。與之對博。上下媾黷。有虧尊嚴。夫善人同處。則日聞嘉訓。惡人從游。則日生邪情。惟陛下遠讒佞之臣。納蹇蹇之士。則災變可除矣。帝不能用。延稱疾免歸。



